

सानसेयारि "बड'सा" खौरांलाइयाव  
अमाज्यादि जिज्जो लोब्बा थानाय रायथाय, अन्थाय,  
अल', अल'बाथा आरो दावबायारि थावनि, पाके  
बाइदिनि आयाव लिखनाय लिखिबां दैथाय हर।  
सानसेयारि "बड'सा" खौरांलाइया सेबअनाबि  
फोस्वावोन।

बड'सायाव लिखरनायनि हुबा खालाम,  
"बड'सा" खौरांलाइया, जो बयबो आंगो खालाम।

सानसेयारि बड'सा मावखुनि  
माइबं नोगार, जोहोलाव देमालु लामा  
कक्राझार, बिटोम-783370  
Website: www.bodosanewspaper.com

# सानसेयारि बड'सा



BODOSA ★ A Bodo News Daily ★ Saturday ★ 19 December, 2020 Kokrajhar, BTC, Assam ★ Vol.- 30, Issue No. 263 ★ R.N.I.Regd.No.40994/91, AssamGovt.Regd.No.IPRD.40/2006/13, ★Rs.8/-

## कातिराम बर'जों लोगोसे गुबुन साब्रै एम सि एल एफोराबो बि टि आर सरकारनि मावफुं सोद्रोमा महरै समायखिरा लाबाय

गोरिब सुबुंफोरनो सिबिथाय होनायानो जोंनि खुंथायनि गिबि थांखि: प्रमद बर'



कक्राझार, 18 डिसेम्बर: आरो आसामनि गिबि मन्थि बिटिआर सरकारनि गाहाय थानाय 15 डिसेम्बरखालि बड'फा नोगोरनि मन्थि हिमन्त बिस्व शर्माजों ग्रीनफिल्डआव रोजा-रोजा लोकोसे गोबां मन्थिफोरनि सुबुंफोरनि बाहागो लानाय नुजाथिनायाव प्रमद बर'आ



एमसिएलएफोराबो मावफुं बड'लेण्ड हायुआरि गौथुमनि सोद्रोमा महरै समायखिरा सेक्रेटारिएटआव खुंथाय मोनसे लायो। बेनि उनाव दिने मेहेरोनां हाबाफारिनि गेजेरजों इडपिपिएल दोलोनि साने आरो बिजेपि दोलोनि साने (□ 5 बिलाइआव)

## उइलसन हास्दाखौ मावफुं सोद्रोमा बिबान होनो दाबि खालामदों सान्थालि फरायसा आफादआ



चिरांनिफ्राय फाख'न गयारी, 18 डिसेम्बर: बि टि सिआव गोदाने दाजानाय इड पि पि एल, बि जे पि आरो जि एस पिनि जुथाय सरकारआव थोंजोडे सा 6 थिसनजानाय सोद्रोमाफोरनि गेजेराव आदिबासि हारिनिफ्रायबो उइलसन हास्दाआ थिसनजादों। बेखौ लानाने बि टि सि हालामनि आदिबासि हारिनि सुबुंफोरा गोजानाय फोरमायनायजों लोगोसे सरकारनि बे थांखिखौ बरायदों। बेराफारसे आदिबासि हारिनि माखासे आफादफोरा उइलसन हास्दानो मावफुं सोद्रोमा बिबान होनो दाबि खालामनायखौबो नुनो मोनदों। दिने चिरां जिल्लानि सिडव थानाय गुम्भाषा हालामाव दुलाराय सावथालि फरायसा आफादनि (□ 5 बिलाइआव)

## आबादारिफोरनि थाखाय एमएसपिआ बन्द जानाय नडा: गाहाय मन्थि मदि

गोदान दिल्ली, 18 डिसेम्बर: आबाद आइनिन हेँथायै आबादारिफोरनि सोमावसारनाया दासान्दि हादरनि राजथावनि गोदान दिल्लीआव सोलिगासिनो दड। फासैथिं सरकारआ आबादारिफोरनि थद'नाय गैयालासे सोमावसारनायखौ गुबुननि राजखान्थि खेसर दड होनाने



बुडे। गाहाय मन्थि नरेन्द्र मदिआ दिने मध्य प्रदेशनि आबादारिफोरजों जथुमनाय मोनसे भिडिअ कन्फारेन्सिनि गेजेरजों माखासे आबादनि सायाव गोनां बाध्राखौ बुंथियो।

खमैबो 53 मिनिट सम लाखिनाय बिबुंथियाव गाहाय मन्थि मदिआ आबादारिफोरखौ थांखिनाये बयनिखुइबो देरिसन मुलाम्फायारि गोनां आइनआव एमएसपि। मानोना एमएसपिआ ना बन्द जागोन, ना जोबलांगोन। गाहाय मन्थिआ बुडोदि, माखासे राजखान्थि दोलोनि दैदेनगिरिफोरा सरकारनि हेँथायै आबादारिफोरखौ गोखौसिन खुदिखांहेनो थाखाय (□ 5 बिलाइआव)

## बि टि सिनि गाहाइ मावफुंगिरि प्रमद बर'आ हरखाबै कक्राझार सरकारि देहा फाहामसालियाव दावबायहैदों

कक्राझार, 18 डिसेम्बर: थानाय 15 डिसेम्बर, 2020 अक्ट'खालि गोदाने बि टि सिनि गाहाय मावफुंगिरि महरै बिबान नाजावनाय प्रमद बर'आ दिने कक्राझार सहरनि रुपनाथ ब्रह्म सिभिल देहा फाहामसालियाव बेरामिफोरखौ फाहामथाय होनाय, सिबिथाय होनाय आरो राहा खबुफोरखौ (□ 5 बिलाइआव)



फ्रि-फ्रि अखा हानाया आसामाव बांसिन खालामनो हागौ गोजानायखौ: बोथोर बिफाननि सांग्रांथि

## कंग्रेसनि एमएलए अजन्ता नेवगजों माखासे दैदेनगिरिफोरा बिजेपिआव हाबनो हासिगौ

गुवाहाटी, 18 डिसेम्बर: आसामआव मोनसे समाव गोखों महाराव माखासे बोसोरसिम राइज्यो सरकारखौ सामलायबोनाय कंग्रेस दोलोआ बे समाव लोखांसिन जानायखौ नुनो मोन्दों। अदेबानि आसामाव कंग्रेस दोलोआ जोबलांगोन नामा बेबादि बाध्रानि सोंथिया



राजखान्थिगिरिफोरनि खुगायाव ओंखारदों। मानोना माखासे

कंग्रेसनि दैदेनगिरिफोरा फेगौ आसाम बिधान सभा बिसायख'थिनि सिगां सिगां बिजेपि दोलोजों ईसिं महाराव बुजा-बुजि खालामनाय बाध्राया सोराडाव फेदों। मख'नो गोनांदि, गलाघर्टनि एमएलए अजन्ता नेवगआ गिबि मन्थि आरो रंखाथि मन्थिखौ लोगो हमनायनि उनावनो बिजेपि दोलोसिम थानायनि बाध्राया (□ 5 बिलाइआव)

## डिब्रुगड़ आरो हावराणि गेजेराव जर'खा ट्रेन खारगोन: एन एफ आर

गुवाहाटी, 18 डिसेम्बर: नर्थ-इस्ट फ्रन्टियर रेलवे सुद'थे एनएफआरआ डिब्रुगड़ आरो हावराणि गेजेराव गनै जर'खा ट्रेनखौ थाबैनो हगारनो एबा खारहोनो थांखि लादों। एनएफआरनि बिबानगिरि सुलुड मिबिथिहोनाय बादिब्ला, खारहोनो गोनां गनै जर'खा ट्रेननि गेजेराव गुबुन गंसे ट्रेनआ बगिबिल दालां जानाने गुबुन गुबुन जायगासिम खारगोन। 05962/05961 नम्बरनि डिब्रुगड़ आरो हावरा एक्सप्रेस ट्रेनआ सप्ताहसेआव साननै खारगोन। डिब्रुगड़निफ्राय हरनि 11:55 रिगायाव बृहस्पतिवार आरो रबिबाखालि खारगोन (□ 5 बिलाइआव)

## फैगौ बिधान सभा जथुमाव बि के डब्लिउ ए सि आयेनखौ थिसनगोनखौ मिजिं थिदों इर बि पि अआ

कक्राझार, 18 डिसेम्बर: इडनायटेड बड' पिपलस ऑर्गेनाइजेशन सुद'थे डि बि पि अआ गोबां आयदाफोरखौ लानाने शुक बारखालि गुवाहाटीनि खानापारायाव थानाय बड'लेण्ड गेस्ट हाउसआव मावफुं आफादनि मोनसे गोनांथार मेल जथुमनाय जादों। आफादनि आफादगिरि मिहिनीश्वर बसुमतारीनि मासि सामलायनाने दैदेननाय बे मेलआव बि के डब्लिउ ए सिनि आयेनखौ थिसननाय आरो बेखौ मावफुंनाय आयदाखौ लाफानाने गुबुन गुबुन



आयदाफोरनि सायावबो गुवारै सावरायलायनाय जायो। इड बि पि अनि गाहाय नेहाथारी अनिल बसुमतारीआ मेल जोबखानायनि उनाव खौरांगिरिनि सिगाडाव फोरमायनाय बादिब्ला बि टि सिनि बाइजोयाव थानाय 10 लाखनिबो बांसिन बर' फिसाफोरनि थाखाय बर' कसारि वेलफेयार अटन'मान काउन्सिलखौ दाफुं नाय (□ 5 बिलाइआव)

## 2019-20 बोसोरनि माहारियारि सुबुं अन्जिमा सान्नाय

### आसामआव हौवाफोरनिखुइ हिन्जावफोरनि अन्जिमाया बांसिन



गुवाहाटी, 18 डिसेम्बर: जाय समाव हादरनि गुबुन गुबुन जायगाफोरव गोबोंआव थानाय फिसाजोफोरखौ बुथारनाया मोनसे गिदिर जेना हिसाबै नुनो मोनबोदों बेबादि समावनो आसामाव हौवाफोरनिखुइ हिन्जावफोरनि अन्जिमाया बांसिन जादों। 2019-20 बोसोरनि माहारियारि सुबुं अन्जिमा सान्नाय हाबाफारि बादिथै आसामाव हौवाफोरनिखुइ हिन्जावफोरनि अन्जिमाया बांसासिनो दड। माहारियारि सुबुं अन्जिमा सान्नाय हाबाफारिनि खेंफोरथि बादिथैब्ला आसामाव फेगौ माखासे बोसोराव हिन्जावफोरनि अन्जिमाया आरोबाव (□ 5 बिलाइआव)

## कक्राझारआव नेडान फाउन्डेसनआ डिजिटल डिभाइडनि सायाव सावराय बादा खुंदों

कक्राझार, 18 डिसेम्बर: माखासे बोसोर सिगांनिफ्राय आइजो लांखारनाय आरो गथ'सा लांखारनायनि हेँथायै गोखौडे खामानि मावबोनाय कक्राझारनि फसंथान मोनसे सरकारि नडै आफाद थामहिन्बा नेडान फाउन्डेसन एन जि अआ दिने कक्राझार सहरनि बड'लेण्ड गेस्ट हाउसआव सोल'थाय आयदादि सायाव मोनसे



गोनांथार सावराय मेल खुंथाय जादों। हाबाफारियावो बाहागो लानाने नेडान फाउन्डेसन एन जि अनि मासिगिरि डिगम्बर नार्जरीआ फोरमायदोंदि, 9 मिलियन पजिटिभ केसजों भारत

हादोरा मुलुगनाडे कभिड-19 सन्देरनायनि बेलायाव नैथि सारियाव दड। भारत सरकारआ गिखंथाव कभिड-19नि गोसारनायखौ होबथानो थाखाय फरायसालि-फरायसालिमाफोरखौ बन्ध खालामथ'नाय जादों। बेराफारसे फरायसालि आरो गासै सोल'थाय फसंथानफोरा बन्ध जानाने थानाय हिसाबे (□ 5 बिलाइआव)

## मावख' लुफुंनायनि थाखाय 50 लाख रां हेफाजाब होनो गिबि मन्थिआ बिथोन होदों

दिसपुर, 18 डिसेम्बर: दुलाराय आसाम हारियारि मुंखं नख'र गौथुम आरो दुलाराय आसाम मुंखं फोजौखों नख'र गौथुमजों दिने गिबि मन्थि सर्बानन्द सनवालआ मोनसे गोनांथार मेल जथुमनाय जायो। जनता भवनआव थानाय गिबि मन्थिनि जथुमनाय खथायाव जानाय बे मेलआव मोननै आफादनि थान्दैफोरा गावसोरनि दाबिफोरखौ मावफुं'नांगोनि गिबि मन्थिनि सिगाडाव (□ 5 बिलाइआव)

# सुजुगिरिनि खोलोम

## जिउ खुंनायाव मोनफ्रोमनिबो गोनांथि दड

जिउयाव जाय जेखि हाबा मावनानै जाया मानो सोलौंथायनिबो गोनांथि दं आथिखालनि बोथोराव। बेखौ समाजनि बयबो मिबथिनो रौंनंगोन। नोजोर होनांगोन सोलौंथाय गैयै सुबुंफोरनि जीउ राहाखौ नुयोब्ला सान्ने गोनां जायो, आथिखालनि बे मुगायाव जौनि माहारिया थावरिनानै थानो हागोना हाया? गोजाम सुबुं समाजनि बै समनि सोलौंथाय लानाय सुबुंफोरनि जीउ खानाय राहाखौ नुयोब्ला हमदानो हायो, लेखा रोडेफोरनिखुइ बिसोरनि जीउ खानायनि आदोब-राहाआ गुबुनसिन, गेबैसिन आरो गोखौंसिन।

आथिकालनि सोलौंथायनि आयदाफ्रा सोलौंसाफोरखो थाना थानायनि लामाखो दिन्थि फुंजोबनो हायाबो जानो हागो। फरायसाफ्रा मेट्रिकनि उनाव मा सिरिनि सोलौंथाय लागोन बेनि फासैबो बिमा-बिफाफ्रा सांघां जानांगोन। बेफोर राहाफारिफ्रा थायाब्ला उन समाव मा हाबा मावना जानो, माब्रै जीउ खाना थानानै थानो बेखौ नागिरना लानो रोड जायो। सोलौंथाय जोबस्ताबा बालानो गेजेर ससेआव थानांगौ जायोब्लाबो जीउ खानायनि लामाया आसखान्दा जायो। गेदेर गोलावफ्रा सरसनफ्रा सुबुंफोरनि जीउ खानायनि राहा लामाफोरखौ दिन्थिनानै सुबुरुन होनो रौंनंगोन। अब्लासो राइजो-राजाफ्रा सोलौंथायखौ एसेब्लाबो लानो सिगां बोगोन।

जौनि समाजनि गामि गफानि गथ'साफ्रा सोलौंसालियाव थानो बानाय, नागारनाय बाइदिफोरा गोबांसिनै नुजायो। सोलौंथायखौ लाना गाव गावनि जीउ दनायनि लामाखौ लानो सोलौंथायदि गोनांथार बेखौ मिबथिनो हायैयावनो सोलौंथाय लानायाव दावगाख 'नो हायाखै। जाउनाव सोलौंथाय लानानैबो खायफाया मोनफा सरसनफ्रा थांखिखौल' लानाय नुनो मोनो, बेनो जावय सोलौंथाय लाखानानै सोरकारी साखि मोनसे नागिरनाय। बे मोनसेल' थांखिखौ मानो नागरनानैबो आबादनि अनगा गोबां खामानिफोरनि फुंखा दं जा.जौं जिउ खुंनायनि लामाया साखिबादियान। सोरकारी साखि नडब्ला जीउ खानो गुबुन लामानागिरनानैबो लानायनि लामा गोबां दसै।

सिगांनिफ्रायनो सोलिबोनय गोजाम सोलौंथाय आयदाफोरनि अनगायैबो आथिकालाव गोदान गोदान सोलौंथाय आयदा दसै। जायफोरनि गेजेरजौं सोरकारी साखि नडबाबो गाव गावनि जीउखौ खुंनायनि लामाखौ लानो हायो। बेनि गेजेराव जेरे भकेसनेल आयदाफोर, बेफोर आयदानि गेजेरजौं सोलौंथाय लाखानायनि उनाव गाव गावनि जीउ खानायनि नख'र सामलायनायनि लामाखौ सायख' नानै लानो हायो। गोदान आदोबजौं गायनाय-फुनाय हाबाखौबो गोसो होनानै मावयोब्ला जीउ खानायनि लामाखौ लानो गोलै जायो।

# दिनैनि फानजामुथि

## राशि बाइदियै मुनि गिबि हांखो

मेष : अ ल वृष : ऊ ब (उ ए इ) मिथुन : क छ (ङ ष) कर्कट : ड ह सिंह : म ट कन्या : प ठ (ण ष) तुला : त र वृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

**मेष:** माबा मोनसे मुवा मोनो हागौ। मुलाम्फा जागोन। गोजोन्नायखौ मोनो हागोन। मोजां सान।

**वृष:** गोसोनि सान्नायखौ मोगथाडव जाफुंसार होनो हागोन। गोसोखौ गोजोन मोनगोन।

**मिथुन:** रावनिबो बोसोन लायै अहंकार जाफलांवायनो हागौ। गोसो हथमानाया गाहाम।

**कर्कट:** जेखि माबा मुलाम्फा खालामनो हागोन। रांखावरि आय जागोन। मोजां सान।

**सिंह:** माबाफोर मुवा-बेसाद खहा जानो हागौ। गोसोखौ गात्रि मोनखानो हागौ।

**कन्या:** ननि मोजां हाबा मावनानै लानो हागोन। सानाया जाफुंनो हागौ। गोथार सान।

**तुला:** माबा मोनसे जेनायाव सुसांनो हागौ। गोसोखौ सान्थि मोनगोन। मोजां सान।

**वृश्चिक:** नखरनि जेना थानाया सुसां जागोन। गोजोन्नायखौ मोनो हागोन।

**धनु:** बेराम-आजार जाजानायनिफ्राय बारगोन हागोन। गोसोखौ गोजोन्नाय मोनगोन।

**मकर:** जेखि जाया बेरामआव गोग्लैबायनो हागौ। देहाखौ सांघाडै लाखिनांगोन।

**कुम्भ:** जेना सथानायफोरा सुसां जानाय फेनो हागौ। फारफ्रोमथिबो गोजोन्नायखौ मोनो हागोन।

**मीन:** हरखाबै माबाफोर मोनसे मुवा मोनो हागौ। गोसोआ रंजाखानाय फेगोन। मोजां सान।

# “दख 'ना थावसि'” सुंद' सल 'नि साया लानानै

## जैसि बर'

“आयै, आं थानोसै। मोनाबोगोन आं।” सौरा न'आव एम्फौनो बिलाइ होबाय थानाय बिमाखौ गाबखावनानै बुंहरदों बिदिन्थिया। बिनि उनाव लेडि बाई साइकेलखौ लांगोनासिम नारनानै बिनि उनाव फिउ गाखोनानै गोखै सालायलादों।

“दाथां दाथां होब्लाबो थामारबायसो बे लोखिसाराया। आंनि बाश्राखौ एसेबो खोमा लाथारला बियो। हौवालाबादि ओजों ब्लाद' हजों ब्लाद। नख 'रनि खामानि-दामानियावथ' एसेबो गोसो गैला। सानफ्रोमबो मिटि, मिटि। मा बा मोनगोन एसेबां मिटि खालामसोनानै। दा हब्रालायनोसै बियो गारामा फुवार-फुवार जौंनो उदांसि नांगौ। जौंनो बड'लेन्ड नांगौ। बेबादि जायाफ्रामा होखावनायजौंनो आलादा राइजो मोनोमोनब्ला मा लांखायावनो मोनखांसिगौ। हौवा-हिन्जाव हारि सिबिनानयनि मुडाव बारसोमनांगौ होनानै बयखौबो ओंखार होनोसै। मालाय हौवाफोरा सियान ना सियान, मोजां मोजां बिबान लानानै रां-रुफा गासिबो खालामजोबनोसै, मोजां मोजां गान्नाय जेमनाय, दामि दामि गारि-मथर सालायनाय मा नायनो? आरो बे हिन्जावफोरा साइकेल सालाय-सालाय खिथुफोरा दुमाल खाजोबलांन्तोबो जेबो गैया, रां-रुफाखौथ' ब्वाद दोन, रावजौंनो मानबो होजाया, सम्मानबो होजाया। रावबो हौवाफ्रायो हाबा खालामनो आवगायग्राड। उनाव एसे रवब्लाथाय लुनदुनदुन न'आवनो थाबाय थानोसै। मा बेराम नायजानोनो रांखावरि दंजायो, ना सोरजौंबा रायदावफेकाबो। मुलाम्फसै हिन्जाव जानानै एसेबां जिग'-जिग' हारिनि थाखाय खामानि मावनो बारसोमबायनानैलाय। गाबोननो हादत मोनमालाय सोर आइजोआ गादि मोनहैनो? हौवाफोरासो गावजौं गाव मासि सेलायलायनानै थैगुलायजोबबावगोन। हिन्जावफोरा गुरहं हं मालायनि जानायखौ नायबाय था। जेसेबांखि बुड मानो बे हौवा जातिया हिन्जावफोरखौ दाम होग्राड।

एम्फौनो बिलाइ खानानै होबाय थानाय दैमालिआ रगाजों मा मा बाखिदों गुबुन मोनसे खथायाव उन्दुनानै थानाय जेवारिनि खोमायाव श्रोब श्रोब हाबहैजोबदों। खोमायाव हाबहैनय बाश्राफोरा बिनि गोबौंखौबो सिंखावलादों। बियो मिथिगौ दैमालिआ बिखौ खोनाथों होनानैबो बेफोर बाश्राखौ बुदों। राबोनय सान्दुनि मोथाथा मोनलायनाय गुदुं, दैमालीनि खुगानिफ्राय ओंखारनाय बिस गोनां राव आरो गावनि मोदोम दसै सानाय। जेवारिआ सहायनो हाया हाया मोनदों। आथि-आखाय जोब्राबायदों बियो। बिस्नायाव दब दुब दाब दाब सोदोब जानायखौ खोनानानै दैमालिया हमनो हादों जेवारिआ माबा मोनसे जादों। बियो हाखु-दाखु खारबदों जेवारिनि खाथियाव।

“मा जाखो-दै नांगौ, ना हासुनो-खिनो ओंखारदों?” दैमालिआ सोंफेदों।

“जेबो नाड, सिरि था। सान्दु गोसायाव गोब्रामबाय थानाड।”

फुथिहां फुथियाहां रावजों बुदों बियो दैमालिखौ। माबा मोनसे बुंहां जानानैबो जेबो बुडालासे ओंखारबोफिन्दों दैमालिया आरो खामसालिनि खुंथायाव गोबाथावनानै थाफेदों बियो। बिनि मेगननिफ्राय गाव मिथियाजासे दुंबुद मोदे जिरिबोदों।

बोसोरबासो जाबाय दैमालि फिसाइ गालानि बिब' जेवारिया बेबादि बिस्नायाव गोग्लोसोनानै थानाया। हाथाइयाव गाइखेर फान्ने होनानै ओंखारलादोंमोन। लामा ससेयावनो खर' गिदिनानै गोग्लेदों। गामिनि सानै साथामसो लोगो नानानै देखानानै न'आव दोनफेदों बिखौ। जायगानिनो कम्पाउन्डर सासेखौ लायनानै नायहोदोंमोन। “गिदिर डाक्टरजौं नायजानांगोन। बेरामा एसे गेदेरानो” बुदोंमोन कम्पाउन्डर। आखाइयाव थानायसेबां रां आरो मुवा बेसाद फानलाबायनानै मोन्नाय एसे रां बुधुमनानै जेवारिखौ लानाय जादोंमोन गौहाटीनि एक्जेलकेयार देहा फाहामसालियाव। “बन केन्सार” बुदोंमोन देहाफाहामसालिया। गोदो हारायाव माबा मोनसे दुखु मोन्दोंमोन खोमा। बेनिखायनो जालादों। बुजिनो रावहाबो आद्रा थायाखिसै। गोदो पुलिसजौं सिलाय जुदाजौं सौजानायनिनो फिथाइ बियो। बायहायाव लानानै फाहामथाय हैनो गोबां रानि गोनांथि खुनुखुम सोलिसाबनाय नख'रा एसेबां रां बहा मोनो जायनि जाउनाव जेवारिखौ न'आवनो लाबोफिन्नानै औरैनो दोन्नाय जागासिनो दं एसे एनै मुलि जाहोनानै माल्ला जोबथा हां नागरो बेखौ नेनानै।

“जौंनो नांगौ उदांसि नांगौ आलादा राइजो। जै बड'लेन्डनि, जै बर'हारिनि” 1986-87 बाश्रा बियो। बे समाव आलादा राइजो दाबिनानयनि अर जौंफुथारदों। मेट्रिक होनो गोनांमोन जेवारिमोनहा। नाथय सोरखारि मुवाफोरखौ नाड होनानै बर' बिग्रायारि दोलोफोरा फरायसालिखौ सावना होनायाव जेवारिमोनहा मेट्रिक होनाय जायाखिसै। लोगो लोगो बारसोमदों बिसोर सोमावसारनायनि मुडव। सोरांस्ताबमोनै हान्जा-हान्जा ओंखारनानै मेल खुंदों, गामि गामि थानानै आलादा राइजो नांथारगौनि गोनांथिखौ राइजो नांथारगौनि गोनांथिखौ राइजो राजाफोरनो फोमायहैदों, हौवा-हिन्जाव बयबो बाहागो लानांगौ होनानै खावलायहैदों। बे समावनो जेवारिमोनहा साइकेल सालायनो सोलौंदों। हौवा थान्देफोरजों लोगोसे समान-समान साइकेल सालायनानै गामि गामि सोमावसारनायनि मुडैसांघ्राथि लाबोनायाव बाहागो लाहैदों। सोमावसारनायनि अरा बारानिफ्राय बारसिन जादों। जिल्ला लायै जिल्ला मावख' सावनाय फरायसालि सावनाय, दालां सावनाय, बमा होनायनि रादाबा सोरगिदिं गिलुं-गिलुं थासारि सोमजिदों। गोजानाव फरायनो थाहैनय फरायसाफोराबो गावबा गाव न'आव

# जौंथि गैयै जेवारि

गिदिंबोफिन्दों आरो सोमावसारनायाव बारसोमफेदों।

बै सानखालि जेवारिया एसे लोमजादब मोन्नायखाय न'आवनो दंमोन। गामिनि हौवाफोरा बांसिनानो खारखोमानानै थानांगौ जायो। मानोना पुलिस-मिलिटारि खार-खार। जायखौ मोनो बेखौनो हमना लानानै बुहैयो, लकआपआव सोनानै दोनहैयो। हौवासा गथ'फोरखौबो हिन्जावसाफोरबादि दखना गानहोनानै गस्ता गानहोनानै दोन्नाय जादोंमोन। गामिनि हिन्जावफोरा गिलुं-गिलुं ज'-ज' दडमोन। समा अब्ला फुंनि गु रिंगासो जाबायमोन। बयबो फुडवनो एसे एसे ओंखाम संलायनानै जाखायो। मानोना बुंसहाया बबे समाव बबाव मा जायो, सोर बहा खारनाडो। जेवारियाबो गावसोरनि न'आव ज' जाफेनाय आइजोफोरनो पुलिसफोर फेब्ला मा खालामनांगो बेनि सोमोन्दे सावरायलायगासिनो दंमोन। बे समावनो गामिनि हाबजेन्नाय लामायाव बिसोर सैमा सोंखावनाय खोनयो। लोगो लोगो पुलिस-पुलिस खारदो खारदो होनानै गामिनि सानैसो हौवाफोरा जाय जैरे हागौ न'निफ्राय खारखोमानो हमो। जेवारि बिफायाबो बोराइ, सिं जानाय गोनां, न'आवनो सेन खाथि सैगासिनो दडमोन। गुबुनफोरखौ खारनाय नुनायखाय बिबो एसे आन्जायना थानो सान्नानै सिं गेदा गेदा बारिथिं आवगायलाडो। लामाजौं थाबायलानाय सोरबा सासे पुलिसनि थिउरिया नोजोरा गोग्लैयो आरो जेवारि बिफानिथिं थिउ गवहरो। खाफाला मोजां, गुलिआ जेवारि बिफाना नांस्ताबाखिसै। जेवारिमोननि दैखारव फांनै घं गथ' बिफा दंमोन। बै गय बिफां फांनैयाव गुलिआ श्रोब-श्रोब हाबफेदों बुंनो थाडोब्ला बै गय बिफां फांनैआ जेवारि बिफानि जिउखौ रेखा खालामदों। साथामसो पुलिसआ हाबबोनानै ज' जानानै थानाय आइजोफोरनि सायाव गाग्लोबफेदों। “उइ वांट जास्टिस, उइ वांट बड'लेन्ड आसाम पुलिस ग' बेक” आइजोफोरनि सासे पुलिसआ थाव सोबादों आरो उदैयावनो जोगासिनो जोना होदों। बियो गोलाव गोग्लैबदों। बिनि खुगानिफ्राय थै ओंखारदों। जेवारियाय बे आइजोखौ बोखानो थादोंमोन। लोगो लोगो जेवारिनि बिखुडव सिलाइ खुन्दाजों खेबथामसो सौनानै होदों बै पुलिसआ आरो देग'-देग' मेगन दिन्थिनानै बुदों-“साला आन्दलकारि। तिर'ता हय आन्दलन करिबलै आहिस। तहतक एजन एजनके मारि पेलाम। गम पवानाय, रहतक बड'लेन्ड लागे? तहतक सुकिया राइज्य लागे? पाबि जा मज्जा।” बिनि राइज्यायनायनिफ्राय बिसोर सिनायदोंमोन, बियो पुलिस गुबै नड, गावसोर गामिजों नांजाबनाय हासां गामिनि हासां सेंग्रासो, जाय पुलिसनि ड्रेस गान्नानै पुलिसनि फाव लानानै गावसोरनि गामियाव हाबफेदों आरो बेबादि इनयै गाग्लोबफेदों।

जेवारिनि बिखुडव लु-लुन बुदोंमोन। सानायजों बियो गावखावदोंमोन। गामिनि आइजोफोरा संख्रै दै गुबुं हमना होयै होयै बिनि सानाय आरो बुनायखौ एसे खारहोनो हादोंमोन। बेबादि समावनो बिसोर खोनादोंमोन पुलिसजों गावलायलायनायाव जेवारिमोननि न' खाथिनि फुलुड फेन्दायाव गुलि नांजादों। बेखौ जौथोन लानो आइजो मानसि नांगौ। हरजों हर हाग्रा-हाग्रा थाडे-थाडेगुबुन मोनसे गामियाव थंदोंमोन जेवारिया,गावसोरनिनो सोरबा हौवा सासे थान्दैया बिखौ लांफेदोंमोन। बियो थानानै नुहैदोंमोन भुटान हाजो सेरनि बबेबा दरसे गामिनि गोरिब गंसे नख'राव फुलुंखौ दोन्नाय जादों। गुलिआ फेन्दायाव हाबनानै थल्लं ओंखारलाफिन्दों। थै गनाया दाबो थाबथायाखै आरो बांद्राय थै गनायनि जाहोनाव फुलुड जोबोद लोबां जाबाय, बियो फुरगेवोब जालांबाय। सोमावसारनायाव जखम जानायफोरखौ। जौथोन लानो होनानैनो जेवारिमोनो स्रोद नारसिं ट्रेडिनि होनाय जाखादोंमोन। जेवारिया नारसिं महेरे फुनुनि जौथोन लादों। बेखौ दख'ना गानहोनानै, खानाय खाथाबहोनानै हिन्जावबादि दोन्नाय जादों। जेवारिनि जौथोन लानायाव सानसे फुलुड राखिंफिनदों, मोजां जाफिनदों, सिगांनि बादिनो थाबायनो, खारनो हानाय जाफिन्दों। बेबादिनो गेजेरावनो सानसे बिसोरनि गेजेराव गोसोनि सोमोन्दो सोमजिनायखौबो बयबो मिथिनाय जादों।

उनाव सोमावसारनायनि बारा लासैनो सुग्लायबाय।

सोरखार गोबाव राइज्यायनायनि उनाव आलादा राइज्यो नडब्लाबो माबा मोनसे आलादा होनो होनानै राजि जानायाव सोमावसारनायनि अराबो थाद'बाय। सोमावसारनायाव गाहाय गाहाय दैदेनगिरि महेरे मुं थानायफोरा जाय जैरे हागौ खुंगिरि बिबान लानानै थाबाय। गैया जेवारि मोनहा जेबो मोनाखिसै। फुलुडबो जिउयाव जेबो मोनाखिसै। अब्लाबो जेबो गैयाब्लाबो फुलुंजों संसारखौनो स्राय जानोसै सान्नानै जेवारिया सानसे फुलुंनाव खारसनहैबाय। नाथाय फुलुड जेवारिखौ बजबना लानो राजि जायाखिसै आरो बबेबा कम्पानियाव साखि मावनो थानानै बियो बै जायगानिनो गुबुन हारिनि सिख्ताजों हाबा जानानै न'आवनो फैफिनखिसै। दाहा दिखारजों जेवारिया न'आवनो गोग्लैसोना थाफैफिनबाय। देहा थानायमानि आबाद फोथारवनो मुखुब थाबाय। दाउ फिबाय, अमा फिसिबाय, मौसौ फिसिबाय, सि दाबाय। बेफोरखौनो गावजों लोगोसे नख'रनिफोरनोबो थानानै थानायनि लामा दिहुन्नानै होबाय। गावनि आन्जाय फेबाय सानै दंमोन। बिसोरखौ हाबा होबाय। दैमालिआ दा बे फेबाय देरसिननिनो बिसि आरो बिदिन्थिया बिसोरनिनो बिफाजो।

हायुडरि गुधुम मोन्नायनि उनावबो दुलाराय बर' फरायसा आफादआ सोमावसारनायखौ दोनथावाखै। दासान्दै बिदिन्था फरायसा आफादिनि जानानै सोमावसारनायाव गोखों बाहागो लागसिनो दं। आंखालजों नाखेबजानाय आरो बिमानैनि बेबादि थासारिखौ मिथिखा हखा बिदिन्थाया बेबादि सानफ्रोमबो ओंखारलानायखौ दैमालिआ साबजानाय मोना। बियो हँथा होबायबायो। नाथाय बिदिन्थाया बुडो-“आयै, जौं गावनि थाखाय मावाखै। हारिनि थाखायसो मावदों। सोर मा हादों, सोर मा मावदों बेखौ सानबावथालासै जौं मा मावनो जागौ बेखौसो मावनो नाजानांगौ आयै। जौनि नाजानायनि जाउनावनो गुबुनफोरा गोजोननि संसार जानो हायोब्ला जौनि गोजोन्नाया बेवहायो आयै। आनैमोन मावजोबनो हायै खामानिखौ जौं मावनो नाजागासिनो दं आयै, आरो बेयो जाफुंसारोब्ला आनैआ थारनो जाफुंसारनाय जागोन।”

बिदिन्थाखौ होबथानांगो होनानै सानफेराखै जेवारिया। नाथाय गावबादिल'दाज्जाथौ बेखौ इसोरनाव आर'ज गावखोमायो। गावनि जिउआ माब्ला बारगालांगोन बेखौल' बियो सानबाय थायो आरो गाव थैनायनि सिगां आलादा राइज्योखौ मोनमारोब्ला हामगौमोन बेखौनो बियो सान्नानै देहानि गासै सानायखौ लानानैबो आं थैथ'वाब्ला हामगौ होनानै इसोरनाव आर'ज गावबावो। दैमालिनि गोसोआबो गात्रि नड। नाथाय जेवारिमोनहा गोदो जैरेबादि कस्ट' खालामबोसेयावबो दिने रावजौंबो नायफिनजायाखै, बेसेबां कस्टये सोलिनागासिनो दं बेखौ मेगन सिगाडव नुनानै बिनि गोसोआ खामखाडो। जेवारिया दिने गोब्राव जुजिनांगसिनो, रां-खावरिनि आंखालनि थाखाय दैमालिमोनहा जेवारिनि नांगौबादि फाहामथाय होनो हायाखै। दिने बिजों लोगोसे सोमावसारलायाव बाहागो लाफानाय सासेबो सोद्रोमाफोरा जेवारिखौ खौरांबो लाफेया, नायफेयाबो। बिनिखायनो बियो फिसाजोखौ होबथाफा खालामो। फिसाय गालायाथ' बेफोरखौ सुलु लानो समानो गैया। जाबा दाजा बे दुब्लयावनो सानसे थोलो थाहैनानोसै। जा एसे हा-हु-दं, बेयावनो आबाद मावनाय मुखुब थायो बियो। थोआ लोमा जायो बिसोरनि नख'रा,थेवब्लाबो बिसिनि एम्फौ-दाउ-अमा फिसिनयजों थौहैयो, बेनि अनगायैबो जेवारिनि मोसौ गाइया गाइखेर बुरजा होयो। बे गाइखेर फान्नानैबो जेवारिनि दानफानि गोनां जानाव अजानि मुलिखौ बायनो हायो। गिदिर डाक्टरनाव लानो रां गोयेखाय जायगानि अजाजौंनो नानाय-फुन्नाय मुलिफोरखौ बायना होफेयो दैमालिआ आरो जानांगौ बे मुलिजौंनो दासिमबो जेवारिनि जिउआ मेले ले जौनानै दं। मिथिया माब्लादि स्रोब गोमोरलांगोन।

“बाजै जेवारिया थैबायबायब्लाबो बिनि गोयै देहायाव रावबो बिबार बारसे बाउफेनाय नडमोन” गाव हासिनो सानखानानै स्रिउ मोनखाडो दैमालिआ आरो दख'ना रुबैजों मोदौ बुगारनानै एम्फौनो बिलाइ होनो हाबहैफिनो।

# दिल्ली नगर निगमफोराव 2,500 कौटि रानि गेनाखाथि कमनअयेल्थ गेमनि गेनाखाथिनिखुइबो देरसिन

गोदान दिल्ली, 18 डिसेम्बर : दिल्लीनि गिबि मन्थि अरबिन्द केजरिवालआ थानाय शुक्रबारखालि बुनाय बायदिब्ला, बिजैपिजों खुंजानाय नोगोर निगमफोराव 2,500 कौटि रानि गेनाखाथिनाय कमनअवेल्थ गेमसनि गेनाखाथिनिफ्रायबो देरसिन। बेनि सोमोन्दे केजरिवालआ बुंदों, दिल्ली नोगोर निगमआ गेनाखाथिनि जायगा जाखांबाय। बे 2,500 कौटि रानि गेनाखाथि खालि मोनसे नोगोर निगमनि'ल' नडा, मानोना गुबुन नोगोर निगमपोरावबो बेबायदिनो थासारि। अदेबानि दिल्ली बिधान सभानि जर'खा जथुमाखौ सोमोन्दो



लाखिनानै के जरिवालआ बुंदों, जौनि बेयाव खेबनै सिबिआइ रेड जाबायजों जेबो बुडाखे, नाथाय जेब्ला जों 2500 कौटि गेनाखाथिखौ सिबिआइ नाइबिजरनो दाबि दैखाडो अब्ला बिसोर सिखाव बिबोर खौ सिबिआइ नायबिजरनानै जायफोर नायबिजरनो दाबि। दायनिगिरिफोरखौ ह मनो हायो बिसोरखौ गोखौडैसाजा ओंथिया माबा मोनसे थानो होनांगौ होनानै केजरिवालआ हागौखौ फोरमायो। बेनिखायो दाबि दैखानों।

## फैनो गोनां नै बोसोराव हादतनाडै टल प्लाजाखौ बोखारना होनाय जागोनः नितिन गाडकारि

गोदान दिल्ली, 18 डिसेम्बर: आथिखालाव हादतनाडै होवथानाय गैयालासे नेशनेल हाइवेयाव गारिखौ सालायनो हासिगोन। हादतनि गसिबो नेसनेल हाइवेनिफ्राय टल प्लाजाफीखौ बन्द' खालामना होनाय जागोन। बे खौरांखौ मिरुनि हान्था-मेला मन्थि नितिन गाडकारिआ होदों। सरकारआ हादनाडै गारिफोरनि थालाय-फैलाय खालामनायखौ हेंथा गैथै खालामनो थाखाय जिपिएसखौ बिथा खालामनाय तेकनिक टल कालेक्सनखौ खालामनाय तेकनिक टल कालेक्सनखौ जोबथा महर होदों। फैनो गोनां 2 बोसोरनि गेजेराव भारतआ टल



प्लाजानिफ्राय उदां जागोन। गारिफोरनि हान्था-मेला खालामनायनि टल टेक्सखौ थोंजों बेंक एकाउन्टनिफ्राय दाननाय जागोन। मिरु मन्थिआ फैनो गोनां 5 बोसोराव टल कालेक्सनआ 1.34 लाख कौटि रं जागोन होनानैबो आसा खालामदों। गाडकारिआ बायबिलिटि गेप फान्डीनि बेबस्थाखौ इन्फ्रास्ट्रक्चरनि गुबुन सेक्टरआव गनायथि होनोबो बाथा फोसावदों। आथिखालाव सथेल सेक्टर, देहा आरो सोलौंथाय बिथिडावबो बायबिलिटि गेप फान्डीनि सुबिदाखौ मोनो हागोन। 1 बोसोराव मिरु सरकार हादतनि गसिबो टल प्लाजायाव FASTags खौ गोनांथार खालामदों। नेसनेल हाइवे टल प्लाजानि सायाव FASTags खौ गोनांथार खालामनायनि उनाव इन्फ्रन्खौ बाहयनया खम जादों।

## रैखाथि मावख 'आ 28,000 कौटि रंनि थांखि लानायखौ गनायथि होबाय

गोदान दिल्ली, 18 डिसेम्बर: रैखाथि मावख 'नि डिफेन्स एकविडिसिसन कार्डिनल (डि ए सि) आ 28,000 कौटि रंनि थांखि लानायखौ गनायथि होबाय। मिरु मन्थि राजनाथ सिंआ डि ए सिनि जथुमाखौ सामलायदों। रैखाथि मावख 'निफ्राय मोनाय खौरांनि बादिल्ला 28,000 कौटि रंनि थांखि लानायखौ गनायथि होबाय, जेरावनिफ्राय 27,000 कौटि रंखौ भारतीय उध्गनिफ्राय मोनो हागोन। मावख 'आ टुइटराव लिदोंदि, 25,000 कौटि रंखौ हादतआव डिजाइन खालामनायखौ जौगां होनाय आरो बानायनाय थाखोनि गेजेरजों बाहायनाय जागोन। डि आर डि अनि गेजेरजों बेखौ डिजाइन



खालामनाय जादों। भारत आरो चीननि गेजेराव साञ्जा लादाख सिमनायाव जेना सोमजिनायाव बे रादाय खानायखौ गनायथि होनाय जादों। बिबानिगिरिनि बायदिल्ला गनायथि मोनाय गसिबो हाथियारफोर आरो जोनथोरखौ हादतनिफ्राय

उध्गनिफ्राय बायनाय जागोन। डि आर डि अनि गेजेरजों अखामा सान्थिनि थाखाय उरां जाहाज, नेभिनि थाखाय पेट्रुलिं खालामग्रा जाहाज आरो हा सा बाहागोनि सान्थिनि थाखाय मड्डलतार विग्रेडखौ डिजाइन खालामनाय जादों।

## कर्नाटक सरकारआ गोदान बोसोराव खुंनो गोनां पार्टिफोरखौ 30 डिसेम्बरनिफ्राय सानब्रैसिम होबथाबाय

बेंगलुरु, 18 डिसेम्बर: कर्नाटक आव करना इन्फेक्सनखौ सामलायनानै लाखिनो हानायनि थाखाय राइज्यो सरकार मोनसे गिदिर थांखि लायो। बेनि गेजेरजों कर्नाटक सरकार गोदान बोसोराव खुंनो गोनां पार्टिफोर, क्लाबफोर, पब आरो रेस्टुरेन्टफोराव खालामग्रा हाबाफारिफोरनि सायाव 30 डिसेम्बरनिफ्राय सानब्रैसिमनि थाखाय होबथाबाय। अदेबानि कर्नाटआव करनानि गोदान के सआव दावखलायनाय फैबाय। बेनि जाहोनाव सरकार

बे थांखिखौ लादों। बेयाव करनानि सा 1,240 गोदान के स, नुजाथिनायजों इन्फेक्सननि गसै केसफोरनि अन्जिमाया बारायनानै 9,04,665 लाख जाहैयो। कर्नाटकआव इन्फेक्सनजों आरोबाव सा 6 सुबुंफोरा थैबायवाय जायनि जाहोनाव राइज्योयाव महामारिजों थैनायफोरनि अन्जिमाया बारायनानै 11,971 जाहैयो। सावसि बिफाननि गेजेरजों फोसावनाय बुलेटिननि बायदिल्ला, थानाय 24 घन्टायाव सा 1,403



बेमारिफोरा गाहाम जानायनि उनाव देहा फाहामसालिनिफ्राय गयो। बे राइज्योआव

आथिखालाव सा 15,205 बेमारिफोर दंबावो। बेयाव गसै सा 8,77,199 बेमारिफोरा गाहामबो जाफिनबाय। बेराफारसे, हादतनि बाथा बुडेब्ला हादतयाव सानसेयाव कभिड-19 नि सा 24,010 गोदान केसआ मोनाय जादों। बेजों लोगोसे हादतयाव इन्फेक्सननि केसा बारायनानै 99.56 लाख बारो। आथिखालाव 94.89 लाखनिफ्राय बांसिन सुबुंफोरा बे इनफेक्सननिफ्राय बारग 'बाय। बेनि गेजेरजों हादतयाव करनजों थैनायफोरनि बिबाडा 1.45 जौखेन्दो। हादतनि गुबुन गुबुन देहा फाहामसालिफोराव दासिमबो 3,22,366 सुबुंफोरनि करना इनफेक्सननि फाहामथाया सोलिगासिनो दड। बेयो गसै केसन 3.24 जौखेन्दो।

## करना जेनानि समाव मिरु आरो राइज्यो सरकारफोरनि गेजेरजों फरायसाफोरनो डिजिटेल जोन्थोरखौ जगायना होनो यजना बानायदों

गोदान दिल्ली, 18 डिसेम्बर: बावयैसो सरकारफोरनि गेजेरजों स्कुलनि फरायसाफोरनो लेपटप आरो गुबुन गुबुन डिजिटेल जोन्थोरखौ जगायना होनो बाथा फोसावनाया करना जेनानि समाव गोजोनखौ मोन्दांथि होदों। बे खौराडा फरायसाफोरनि गोसोखौ थुलुंगाखां होदों। गोदान मुगानि सोलौंथाय बिथिडाव बेयो मोनसे मोजां जेनाया सोलौंथाय बेबस्थायाव गाथि गोहोम खोख्लैदों। गोजान गोजान गामि ओन्सोलाव फरायसाफोरा सोलौंथायखौ लानो हायाखै। सोलौंथाय लानो हायैआव फरायसाफोरा जेनायाव गोलै नादों। रंखाथि महरै लोरबां गथ 'फोराबो लेपटप, टेबलेट बादि मोन्थोरनि आंखालाव अनलाइन सोलौंथाय लानो हायाखै। इन्डिसेफनि बादिल्ला अनलाइनआ मोनसे पावारफुल बिजों। नाथाय सुबिदानि आंखालाव बियो गसिबोनिसिम सौहैनो हाया। स्कुलफोराव गुदि बिथानि थाखोयाव हाबाफारि मावनाया गोनांथार। बेनि थाखाय गाहाय जेनाफोरखौ सुसानाया गोनांथार। गोजान गोजान ओन्सोलनि स्कुलफोराव मोब्लिब गोहोखौ जगायना होनांगोन, अन्लासो गसिबो डिजिटैलाइजेसननि बिथिडाव आवगय लानो हागोन। मोजां सोलौंथायखौ बयनोबो जगायना होनो थाखाय गोखौ नेमखाथिया गोनांथार।



लोगोसेनो रंगौथि गोनां आरो थिसन्यायजों इ-लार्नि प्रग्रामया ट्रेनिं मोनाय फोरोंगिरिफोरखौ मोजाडे सोलिलगोन।

### // SHORT NOTICE INVITING TENDER //

Sealed quotation affixing non-refundable court fee stamps worth Rs.8.25 (Rupees eight and twenty five paise) only are hereby invited from the reputed printing press/ farm having registration of GSTN / Pan Card, etc. for supply of the following items to the Deputy Commissioner's Office, Baksa for implementation of the scheme "ORUNODOI". The last date of receipt of the quotation is fixed on 24.12.2020 up to 3.00 PM and will be opened at 04.00 PM on the same day. The quotationers / representatives may remain present while opening the quotation.

Sl. No.	Particulars	Description	Rate
1	Printing of Details Application Form (Colour- A4 size) Single side.	Per form	
2	Printing of Details Application Form (Colour- A4 size) Both side.	Per form	
3	Printing of Details Application Form (Black & White- A4 size) Single side.	Per form	
4	Printing of Details Application Form (Black & White - A4 size) Both side.	Per form	
5	Printing of Details Application Form (Colour- Legal size) Single side.	Per form	
6	Printing of Details Application Form (Colour- Legal size) Both side.	Per form	
7	Printing of Details Application Form (Black & White- Legal size) Single side.	Per form	
8	Printing of Details Application Form (Black & White - Legal size) Both side.	Per form	
9	Printing of Flex (Colour)	Per Sq. feet	

#### Terms & Conditions

- The rate fixed shall remain valid for 1 (one) year from the date of acceptance.
- Overwriting on the quotation paper will not be entertained.
- Rate against each item should be clearly written both in figure and words.
- It is not mandatory by the undersigned to accept the lowest rate.
- The undersigned reserves the right to accept or reject any or all quotations without showing any reason thereof.
- Forms / Flex are to be supplied as and when it is required.
- Payment will be made after receipt of fund from the Govt.
- The quotationer should have own printing press.

Sd/-  
Deputy Commissioner,  
Baksa.

JANASANYOG/C/8320/20

## आबादारि धर्ना होनायाव टुइट खालामनायनि उनाव सिक्युरिटि मोन्नायनि खौरांखौ सानी देउलआ गनायाखै

गोदान दिल्ली, 18 डिसेम्बर: आबादारि धर्ना होनायखौ लानानै टुइट खालामनायनि उनाव मिरु सरकारनि फारसे अवाइ केटिगरिनि रैखाथि मोन्नायनि खौरांखौ फावखुं गुर सानी देउलआ बोखारना होदों। सानी देउलआ टुइट खालामनायनि मिडिया रिपोर्टखौ नंखाय होनाय फोरमायनानै बुंदोंदि, गावनिया जुलाइनिफ्रायनो अवाइ केटिगरिनि सिक्युरिटि कभारआ दंखायो। सानी देउलआ टुइट खालामनायनै बुंदों थांनाय साननिफ्राय माखासे नंखाय मिडिया रिपोर्टआव सिगांसो



अवाइ रैखाथि मोन्दों होनाय बुंदों। नाथाय आं जुलाइ 2020 निफ्रायनो बे रैखाथिखौ मोन्दों। बे रैखाथि मोन्नायखौ आबादारि धर्ना होनायजों सरजाबदों, जाय

गोबोदि जायखि जाया खौरांखौ फोसावनायनि सिगां बाथाफोरखौ नायबिजिनांगो। बुधवारनि मोनाबिलियाव माखासे मिडिया रिपोर्टआव बुंदोंमोन्दि सानी देउलआ आबादारि धर्ना होनायखौ लानानै बिबुंथि होनायनि उनाव मिरु सरकारनि फारसे रैखाथिखौ होनाय जादों। मख 'नो गोनांदि, आबादारि धर्ना होनायखौ लानानै टुइट खालामनायनै सानी देउलआ बुंदोंमोन्दि बे केसआ आबुडे आबादारिफोर आरो सरकारनि गेजेरनि। बेबायदियाव सुबुंफोरा बेनि मुलाम्फाखौ लानो नाडा।

### ADVERTISEMENT

Applications are invited from the eligible candidates in Standard Form for filling up the vacant post of "Administrative Officer" in the amalgamated establishment of the Deputy Commissioner, Baksa in the Scale of Pay Band Rs.22,000/- - 97,000/- + Grade Pay Rs.11,500/-per month (RoP, 2017) plus other allowances as admissible as per the provisions of the Assam Service (ROP) Rules, 2017 and amendments thereof and under "Assam Ministerial District Establishment Service Rules, 1967" as amended.

The candidate must have served at least 15 (fifteen) years in any of the Deputy Commissioner's Establishment in Assam and must fulfill the eligibility conditions and have experience as per "The Assam Ministerial District Establishment Service (Amendment) Rules, 2009"

Application stating name, age, educational qualification, present and permanent address, experiences in different branches with period of incumbency in each branch supported by attested copies of certificate, a copy of recent passport size photograph along with Annual Confidential Reports of last 5 (five) consecutive years should reach the undersigned by 4 P.M. on 18th January, 2021 through proper channel.

Application should be submitted through proper channel with Service Particulars to the Deputy Commissioner, Baksa. Selection will be done by Government in General Administration Department as per the Assam Ministerial District Establishment Service Rules, 1967 and the Assam Ministerial District Service (Amendment) Rules, 2009

No TA/DA will be admissible for the interview

Sd/-  
Deputy Commissioner  
Baksa, Muzhalpur.

No.MISC/2XXXIV/4542

### SHORT TENDER NOTICE

Sealed Tender in prescribed form affixing non-refundable court fee of Rs.8.25 (Rupees eight & paise twenty five) only for each group separately are hereby invited from the Registered Contractors of Irrigation Department, Assam for the following works and will be received up to 2.00 PM on 4th January/2021 and will be opened on the same date and place at 3.00 PM by the undersigned in presence of tenderer or their authorized representative if they so desire.

In case of any unavoidable circumstances or any Govt. holiday being declared on that day, the same will be received and opened on the next working day at the same place and hour.

Sl. No	Name of schemes/works	Approx. Value of works	Time of completion
1.	Construction of Brick lined Canal on SK paddy field at Hekaipara village under SOPD (BTC) fund for the year 2019-20	Rs.14,75,913.00 in a single Group	6(six) months
2.	Restoration of damaged protection work of the Head Work of Longa F.I.S. under SOPD (BTC) fund for the year 2019-20	Rs.37,04,680.00 in a single Group	6(six) months

Location :- Kokrajhar/Longa/ Sub-Division, Irrigation, Kokrajhar/Ramfalbil.

Approx. value of works :- Rs.51,80,593.00

Earnest Money:- 2% of the value of work (1% for S.C/S.T/O.B.C & M.O.B.C Category)

The detail particulars of works, terms and conditions may be obtained from the office of the undersigned during office hour on all working days on written request depositing a sum of Rs.100.00 (Rupees one hundred) only in cash. Payment will be made subject to availability of fund.

IPR(BTC)-62/2020

Sd/-Executive Engineer  
Kokrajhar Division,  
Irrigation Kokrajhar

No. DW/FA/1026/2020-21/

### ADVERTISEMENT NOTICE

Directorate of Welfare of Plain Tribes and Backward Classes is going to conduct a Crash Coaching Program for the ST and OBC students for State and National Level Engineering and Medical Entrance Examination(CEE, IIT-JEE & NEET) at 10 Districts of Assam (Tinsukia, Dibrugarh, Sivsagar, Jorhat, Biswanath Chariali, Lakhimpur, Dhemaji, Darning, Nalbari, Hojai)

#### Eligibility Criteria:

- The candidate must be a permanent inhabitant of Assam and must belong to Schedule Tribe (ST) or Other Backward Classes (OBC)
- Candidate must have passed/appeared 10 + 2 examination with physics, chemistry, mathematics, biology and English.
- Cut off mark for 10 + 2 pass student is 40% for ST and 50% for OBC.

#### Documents Required:

- HSLC/HS admit card/ pass certificate
- Permanent residence certificate and caste certificate
- CEE/IIT-JEE/NEET applying acknowledgement receipt.

#### Intake Capacity:

80 students per location. A selection test might be conducted in case of higher number of applicants.

#### Highlight of The Course:

- Highly qualified, competent and reputed faculty.
- Regular test series for revision counseling sessions.
- Aptitude test for enhancing problem solving techniques.

#### How to Apply?

Students can apply on the prescribed format online in <https://directorwptbc.assam.gov.in> or may download the application form from the website, and can be mailed at [wptbcccoaching2020@gmail.com](mailto:wptbcccoaching2020@gmail.com)

Last Date of consent: 24th December, 2020

Sd/-  
Director  
Welfare of Plain Tribes and Backward Classes,  
JANASANYOG/D/8442/20 Assam, Rukmininagar, Guwahati-6

Dtd.14/12/2020

## अ! आयै बि टि सि

नोंनि मुझ आयै बड'लेण्डमोन.....  
नोंनि मोदेखो सिनायग्रा  
बर' फिसाफ्रा  
बुझे नोंखौ दर बिमा।  
गाबदों नों बै रोमै समनफ्राय;  
एखम्बा हांमा सुरै  
एखम्बा दाखायै, दिनैसिमबो।  
गाबनांगोनसो नामा आयै, अरायबो ?  
गावनि गोबोंनि फिसाफोरखो  
खाना खीमानांबोनायाव  
बोरै सहायनांखो  
नोंसो मिथिगो आयै मोथो मोथो।  
फैयै फैयै मुगानि गुथालाव,  
दिनै नोंनि अनजालु सासेबाव  
फिसाज्ला हाग्रामा महिलारिनि  
रुबायदु आबाद्राय,  
फ्लाम मोफ्लामदों नोंनि गोसोव;  
बाजल-बाजल मोसादों आयै!  
जों बर' फिसाफ्रा नोंनि मोखाडव,  
बि टि सि बिबारनि गेवलांनायाव।

जायखलं बसुमतारी  
गामि- ( टिनली ) लावरी पारा

## सिमां

मैयानि हराव आदि मा सिमां नुदोंमोन,  
मैया मैया बुंसनोनो हाया।  
सानजा फैसालियाव ओंखारबोनाय  
फुंनिलिनि गोरलै जारौ सानखौ नुनानै  
आंनि गोरबो बिखायादि मानो एसेबां मुहिहाबदों  
आं मानोबा एसेबो हमदां हायाखेमोन।  
आं सानदोंमोन बिनो आंनि जीउ  
गंसे जायराव देरायाव बिजोंनो  
आलो गोजोन संसारा जाफुंसारगोन।  
नाथाय जेब्ला सानजो फुनि दुंसारनायाव  
मोदोमफुबाय बुहुमाव फोथायथि गैयै बिसआ  
हाग्रानि जुनारफ्रा थखुमाबाय दंफां बिलाइयाव  
जरासे फारौआ गाब्बाय लैथो बिखायाव,  
मुश्री गैयै आयनि मिनिस्तुनायावो  
लांसुनियाफोरनि फानदायनायाव  
जानांबाय दिनै जिनाहारि!  
हतसुरिया बिमानि अगियान फिसा नों  
बुंलांबाय आंखौ बेलासि बुव्लिया अब्ला ?  
थै गैयै देहाखो लानानै नाजादोंमोन आं  
लोगो हमथारगोन जोबथा फैसालियाव।  
नाथाइ, गुस्थियाव जारौ मिनिनायजों  
खोमसि गोसोयै बुंलांबायल' बियो,  
अनजालु नोंनि सिमाड,  
सिमांआवनो थाथोंदे  
गुबुननो दाफोरमाय

जालाउ बसुमतारी  
गामि- रनछाइधाम  
गामि- रनछाइपारा  
जिला- चिरां, बि टि सि।

## अनजुलि रजे

अनदोंमोन नों रजे  
सिबिदोंमोन नों  
दिनै..... ॥  
मानि थाखाय  
माखौ लाना, मा सानानै,  
गोबोंयाव दावदाब दोनलांखो;  
बुजि मोना-मोना  
हमस'नो हाया, हमदां हाया  
उदां जीउयाव खालामलांबाय नों;  
दाहा गलांबाय बायफलेनाय गैयै संसाराव।  
नोंनि सिबिनाय, नोंनि फोथायनाय  
बोजोबदोंमोन आं रजे;  
दिनै..... !!  
मानो नाजाव दिया आंनि अन्नाय।  
मिथिबाय रजे;  
बेफोर सम आरो मुगानि भावथिना  
गोबों बिखाया गावलांबाय  
बायफलेलांबाय गोबों गोसोया  
नंखाय जीउनि दिड जावलांनायाव  
मिथिबाय, बे नंखाय मोजां मोन्नायनि गेजेरजों  
गोसो गोबों जीउ सोलेरा बायफलेलांबाय  
देहा सोलेरा लोरबां जालांबाय  
गोसोनि मिजिया लैथोयाव दोबैलांबाय  
गोजावलांबाय रजेया बुलुं बुथुराव  
जानांबाय आ गोदाव सोराव।  
जोबबाय।

-उटजल ब्रह्म।

## दिखारनि हांमा

आंनि जीउनि सिमांनि मोदाय  
बिखायाव थानानै नों  
दुखु दाहा होयो मानो, हायनारी ?  
आखाय फोलाव फोलाव  
लिंहरों नों अनसुला खालामो।  
जीउ आरो सिमांनि आबि सारफावो  
फैलाव बाला बारीनि बारा बारफिननो  
नोंनि बिखायाव जेब्लाबो उनफलेनो हाया,।  
सहायनो हायै बारनि जेथोआव,  
गोदान जीउनि गोहो होफिननो  
नोंनि गोसोनि साननायखौ जाफुं होनो हालिया  
जादों नोंहा दुखु मानि दिखाराव हांमा।  
जादों नोंहा दाहा मानि हांमायाव  
गोदोनि बाश्रा जबान बान्था नाथाय नों।  
सानै नों बाश्रा राइज्जालयनायनि,  
सिमांनि मोनसे देरा लुनायनि  
देंखो बोनायनि सावगारीयाव  
मिजिं गैयै लामा दबथायाव।,  
सान्दों दासो हारसिडे हायनारीया सिरि सिरि  
इयुन मिजिक गोगोमै गान्थि खानो।

रनदा बसुमतारी  
गामि- कात्रीबारी  
ला:सो:- रुणी काता।

## बुंनंगौ नोंनिसिम

अब्ला नों बुंनंगौखौ नों आसु आबुडे  
आंबो आंनि बुंनंगौखौ आंबो बुंनानै  
फिन बिदाय समाव।  
नोंनि गुरे गुस्थिखौ  
आंनिजों गोरबफा होनानै  
नों आंखौ खुदुमोब्ला  
बुहुमाव मोनो थाडे।  
सोरगोयाव हानाय अमृत बिदैन  
आखायाव आंनारबो नांनय बायदि  
बेसेदि गोजोन सुदेम मिलौहाबनाय जोंनि  
अन्नाय मोजां मोनज्जालयनायाव  
नाथाय मिथिआ रजे समनि फखनाव  
बिदिन्थानि गेले होनायआ मा खालाम लाडे  
जोंनि इयुन जीउनि दैथुम  
आं अरायबो आरजगाबो रजे  
अबंनि सेराव  
नोंनि आरो आंनि  
इयुन जीउनि गोजोनखौ रजे.....।

जनकलाल बसुमतारी  
गामि- काइ मारी  
ला:सो:-काइ मारी  
जिला- कक्राझार बि टि सि आसाम।

## जोंनि बर' बिमा

ओइ बर' हिनजावफोर  
ओइ बर' हिनजावफोर।  
गावनि हारिखौ गारनानै  
लाबाय नोंसोर गुबुन हारिखौ।  
सोगाबबाय नोंसोर बर' बिमाखौ,  
सोर हुगार बावनो बर' बिमानि मोदेखौ ?  
जानांबाय हनै बर' बिमाया  
खुगायाव खुदे मेगनाव मोदे लानानै आनि-थानि।  
फैदो बर' फोर खौसेयै जों  
गावनि हारिखौ लाबोदिनि  
जों बर' बिमानि मेगननि मोदेखौ हुगारदोनि।  
बर' बिमानि दुखुजों सागलोबनानै थानाय गोसोआव  
खौसेयै जों सुखु लाबोनि।  
बर' बिमानि गोसोखौ रंजा होनि।  
फैदो बर' फोर फैदो खौसेयै आवगाय बोदो।  
खौसेयै जों हारिखौ गोजोआव देखांदोनि।  
फै बर' फिसाफोर फै।

थरायना सोमजिला बसुमतारी  
कासिया बारि गोजो फरायसालि

## रंजालि गथ' फोरनि सौरा

## गोसो थोनाया खाबसे बिस दाया आंनि नडामोन

आंबो गोसो थोबाय नोंखौ  
नोंबो गोसो थोबाय आंखौ  
आंबो मोजां मोनबाय नोंखौ  
नोंबो मोजां मोनबाय आंखौ  
आंबो हास्थायबाय नोंखौ  
नोंबो हास्थायबाय आंखौ  
आंबो अनफेबाय नोंखौ  
नोंबो अनफेबाय आंखौ  
आंबो नायाब्लानो थानो हाया  
नोंबो नायाब्लानो थानो हाया  
आंबो गोसो होबाय नोंनो  
नोंबो गोसो होबाय आंनो  
आंबो हाबा लाबाय नोंखौ  
नोंबो हाबा लाबाय आंखौ  
आंबो गोरिव  
नोंबो गोरिव  
आंबो मावरिया  
नोंबो मावरिया  
दानिया जाबाय जों हाखा-खुन्दा  
सानफ्रोमबो नालाय-खमलाय  
संखि-बानलुनि हेब्रे-मात्रेजों  
आंबो हेंथा  
नोंबो हेंथा  
मोनलौंबाय जों दासो  
गोसो थोनायनि खाबसे खाबसे बिस।p

निमल चन्द्र बसुमतारी

## सिखि

सिखि नों मा एसे समायन मा एसे रमायना।  
नोंनि बे महर मुश्रीखौ नुनानै.....।  
आं गोसोबाय नुआखैमोन।  
आं रावखौबो नाथाय आंनि  
बे बिबार बारि आव हारिडे नों ?  
सिखि गेवलां गेवथां गलाब बिबाराव,  
बाबाथाय नों बेसे समायो.....।  
नोंनि बे गावआ गोजा, गोसोम,  
गोमो, गुफुर, मा एसे समायना नों सिखि।  
नों आंनि सानफ्रोमनि दुखु सुखुखौ.....।  
नोंखौ आंनि जिउनि लोगो;  
नों दिनैसिमफ्राय आंखौ लोगो साननानै लादो।  
बे बिबार बारि आव सानफ्रोमबो बाफेबाय  
था, आंनि दुखु सुखुखौ सुगलाय होफै।

मिच प्रथिमा राणि ब्रह्म  
फरायसालि- जोमा बड़ फरायसालि

## आफा प्रभु

उजि फैबाय आं माया पुरीआव,  
न'वा आंनि सैथो पुरीआव।  
मुझ आंनि मिथ्या  
जातिया आंनि अदैथ्य ॥  
आफा! आं माखौ सोलौंगोन,  
आं माखौ फोरोंगोन।  
आं मोनथिगोन।  
आं माखौ बुंगोन ॥  
आफा! नोंनो यन्त्री  
आं यन्त्र!  
आं र'थ,  
नों र'थी ॥  
जायखौ नों मावहोयो,  
आं बेखौनो मावयो।  
नों जायखौ बुंहोयो;  
आं बेखौनो बुंयो।  
आं जेबो नड आफा;  
गासैबो नोंनो "आफा प्रभु" ॥

गोसो होनानै अन्नायखौ  
लुफावदोंमोन आं नोंनो  
फामि बिबार बादि हायनायाव,  
अन्नाय दड नोंनिसिम  
जायनि थाखाय नागरनो हाया।  
हान्जासे थुबुराव  
आंनि नडामोन रावया  
दुथां गोसोनि संखारिनायसो,  
अम्बासि सिमां मोखथां  
जायनि हांमा सुरनादोंमोन।  
नोंनि मोदेयाव आंनिबो  
जावलांदों दिड  
गानु उसिफावनाय फाखनाव।  
बेरे फुजायाव मिनिलाडे  
सान गोरलै ओंखार गोदान  
बोदोर गोसो उराय लांफायो।  
आंनि फारसे मिथिखोमा मिथिया  
राव गोयै गोसो,मोदेखौ  
आखाय फायखन्ना लेंहरो।  
आंनि मिजिया  
नोंजों जुलि,  
हुखोमोरनो दासान  
खाफालनि लिरनायखौ।

मुश्री सजिब नाजारी  
गामि:- काउरादुमनि( दतमा )  
जिल्ला:- कक्राझार बि.टि.सि  
ला:सो:-दतमा

## लाइजाम

लिरहरबाय आं दिनै  
नोंनो गांसे लाइजाम  
नाजावदो अनसुला र'जे,  
गोथार गोसोजों  
आंनि गिबि लाइजामखौ।  
अनोब्ला जादो नों,  
अराय आंनि जिउनि  
लिरफेराखैमोन आं अरायबो  
लिराखैमोन लाइजाम रावनोबो,  
लिरा सान्दोंमोन गोसोआ  
नाथाय.....  
नोंनि महारनो बिहरो  
आंनिफ्राय लाइजाम।  
मा खालामनो अनुसुला र'जे  
मेगननि हायना नोजोरखौ।  
समनि फाखनाव गिदिफानाय,  
दैन गुथालाव बुसोम जानाय  
लाइमोन समनि गोसोनि लुबैनाय  
खालि नांगौ नोंनि अननाय,  
दिनै नाजावदो नों लाइजामखौ  
होदो आंनो अननायखौ  
आंनि जिउनि थाखाय  
नों अराय आंनि मोदाय  
बे जोनोमाव लिरबाय आं  
नोंनो सैथि खलबनि  
मोजां मोननायनि लाइजाम।

मिच इन्दु बसुमतारी  
जिला- क' कक्राझार बि टि सि।

( 1 बिलाइनिफ्राय )

( 1 बिलाइनिफ्राय )

( 1 बिलाइनिफ्राय )

## कातिराम बर 'जों लोगोसे गुबुन साब्रै एम सि एल एफोराबो बि टि आर...

एमसिएलएफोरा मावफुं सोद्रोमा महरै आफां आसाम डिभिजननि कमिसनार राजेश प्रसादनि सिगाडव समायखिरा लायो। बे समायखिरा लानाय हाबाफारियावोनो बिटारिओ जुथाय सरकारनि गाहाय खुंगिरि प्रमद बर', लेडइ गाहाय खुंगिरि गबिन्द बसुमतारि, जिएसपि दोलोनि आफादगिरि नब कुमार सरनिया, ठेकियाजुलि बियाबनि एमएलए अशक सिंधाल, बिटिसिनि प्रिन्सिपाल सेक्रेटारि सिद्धार्थ सिं आरो माखासे मानिजाथाव सुबुंफोराबो बाहागो लादोंमोन। मिबथिनाय बादिब्ला, दिनेनि समायखिरा लानाय हाबाफारिआव इउपिपिएल दोलोनि साथाम एमसिएलएफोरनि गेजेराव कातिराम बर'आ प्रटेम स्पिकार महरै समायखिरा लायो। बेनि उनाव दोलोनि सानै उखिल मोसाहारि आरो रजिन्त बसुमतारिआ मावफुं सोद्रोमा महरै समायखिरा लायो। फार्सेथि बिजेपि दोलोनिफ्राय रनेन्द्र नाजरी आरो अरुप कुमार देआबो मावफुं सोद्रोमा महरै समायखिरा लायो। समायखिरा लानाय हाबाफारिआ जोबखानायनि उनावनो बिटिआर सरकारनि गाहाय खुंगिरि प्रमद बर'आ बुडोदि, इउपिपिएल, बिजेपि आरो जिएसपि बे मोनथाम दोलोनि जुथाय सरकारआ मोनसे हान्जा महरै सुबुंफोरनि थाखाय खामानि मावलांगोन। गाहाय खुंगिरि बर'आ बुंबावोदि, सेक्रेटारिएटनि माखासे बिबानगिरिफोरनि खामानिखौ नायसंनानै बिसोर बिबानगिरिफोरा बिथांखि थियारि खालामनायाव माब्रै सांग्रां जानांगौ बेनि फार्सें गाव-गावनो थियारि जानांगोन। गाहाय खुंगिरिआ बुंबावोदि, सुबुंफोरनि जौगाथाय खामानि मावनो साखा-फारा जानायाव जौनि खुंथाया फोरेंथाय होनाय, बिथांखि खालामनाय आरो मावफुंनयनि मोन्थोरजों खामानि मावलांदों। लोगोसे साफ्रोमबो बिबान मोन्नाय मावफुं सोद्रोमाफोरानो गावबा-गाव बियाब आरो ओन्सोलाव थानानै सुबुंफोरनि अजद आरो जेंनाफोरखौ बोखानायाव गोसो होनांगोन होन्नानै गाहाय खुंगिरिआ रोखा बाश्राखौ बुंधियो। गाहाय खुंगिरिआ गावनि बिबुंधियाव मिबथिहोनाय बादिब्ला, जौनि खुंथाया बयनिखुइबो गाहाय थाखोनि सुबुंफोरखौ सिबिथाय होनायानो जौनि मावनं बिबान जागोन। समायखिरा लानाय हाबाफारिआ जोबनाय लोगो लोगो गावनि मावख'नि खथायाव दादिसे सम थानायनि उनाव गाहाय खुंगिरि प्रमद बर'आ दिने बैलासि समाव हरखाव आरएनबि देहा फाहामसालिआव नायगिदिहेंयो।

## उइलसन हास्दाखौ मावफुं सोद्रोमा बिबान होनो दाबि खालामदों सान्थालि..

सोद्रोमाफोरा उइलसन हास्दाखौ एम सि एल ए महरै थिसननायनि सायाव गोजोननायजों रंजानाई आदिबासि हारिनि साबसिन जौगाथाय आरो थामोन्थानि खामानि मावनो हानाय बादि उइलसन हास्दानो मावफुं सोद्रोमा बिबान होनो दाबि खालामो। लोगोसे इउ पि पि एल दोलोआ जुदि गावसोरनि खुथा होनाय बादि आदिबासि हारिनिफ्राय मावफुं सोद्रोमा बिबान होयाब्ला फैबाय थानाय बिसायख'थिफोराव आदिबासि हारिआ गुबुन राहा लानो गोनां जागोन होननानै हुमखि होबावो।

## आबादारिफोरनि थाखाय एमएसपिआ बन्द जानाय नडा: गाहाय मन्थि मदि

राजखान्थिनि मुलाम्फायाव फाव फान्दायदों। अदेबानि भारत सरकारआ हादरआव आबादनि जौगानायखौ हास्थायनानै आरो आबादनि जेंनाफोरखौ फोसाबनायनि थांखिजों लानाय एमएसपिनि सायाव नंखाय बाश्रा फोलागासिनो दड। गाहाय मन्थि मदिआ बुंबावोदि, जौनि सरकारआ एमएसपिखौ लानानै जोबोद गोखों नोजोर होदोंदि, जाहाथे हादरनि आबादारिफोरा गाव-गावनि दिहुन्नाय आबादनि फिथाइनि मुलाम्फाखौ बांसिनै मोन्नो हायो। जौनि दैदेन्नाय मिरु सरकारआ हादरनि आबादारिफोरनि आर्जिनया आयखौ नैगुन बांसिन खालामनायनि थांखि लादों। मिरु सरकारनि आबादनि सायाव मोनथाम आइन आजावनानै लानायखौ जेबो सोलायनाय नडा होन्नानै रायखाना गाहाय मन्थिआ बुडोदि, आबादारिफोरा गावसोरनि मोन्थायखौ एमएसपिनि गेजेरजोंनो मोनफुंनो हांगोन। मख'नो गोनादि, 2014 नि सिगां सरकारआ 5 बोसोरआव आबादनिफ्राय 1.5 लाख मेट्रिक टन दालिखौ बायदोंमोन। जौनि सरकारआ आबादारिफोरनि दालि दिहुन्थायनि थाखाय गोबां रोखोमनि मुलाम्फा गोनां बिथांखिफोर आजावनानै लादों। बे सरकारआ 112 लाख मेट्रिक टन दालि बायदों। बेखौ नोजोर होयोब्ला आगुनि सरकारआ बायनाय दालिनि रुजुनायाव आथिखालनि सरकारआ बांसिन लाख मेट्रिक टन दालिखौ बायदों। अब्ला बेखौ नोजोर होनानै आबादारिफोरा सरकारनि आजावनानै लानाय आइनि हेंथायै खुद्रिखानांगौनि जेबो गोनांथियानो गैया होन्नानै गाहाय मन्थिआ बुडो। भारत सरकारआ हादरनि आबादारिफोरखौ जौगाथायनि फार्सें लानायाव गोबां बिथांखिफोर आजावनानै लानायजों दासान्दि आबादनि दिहुन्थाय जौखोन्दोआबो आवगायनो हादों। जौनि सरकारआ आबादारिफोरखौ थगायनाय सुबुंनि हेंथायैबो गोखों राहा लादों। आबादारिफोरनि थाखाय थि समावनो इउरिया हासार जगायथाय होनाय आरो फसल बीमा बायदि बिथांखिया आबादारिफोरनि मुलाम्फा गोनां होन्नानै गाहाय मन्थिआ गावनि बिबुंधियाव रायखांबावो। बेनि अनगायैबो हादरनि गुबुन गुबुन राइज्योफोराव थानाय बिजेपि दैदेन्नाय सरकारआ आबादारिफोरनि लन लानाय आरो गुबुन बिथिडव दाहार लानायफोरखौ रेहाय होनायबो जादों होन्नानै मिबथिहोयो।

## डिब्रुगड़ आरो हावरानि गेजेराव जर'खा ट्रेन खारगोन: एन एफ आर

होन्नानै एनएफआरआ मिबथिहोयो आरो बे जर'खा ट्रेनआ फैगौ 27 डिसेम्बरनिफ्राय जागायजेनगोन। फार्सेथि हावरानिफ्राय समवार आरो शुक्रवारखालि जर'खा ट्रेनि खारनाया जागायजेनगोन। गुबुन फार्सेथि एनएफआरआ सिलस्वर आरो गुवाहाटी एक्सप्रेस जर'खा ट्रेनखौ सिलस्वरनिफ्राय सानफ्रोमबो हगारनो एबा खारहोनो थांखि लाबावदों। बे जर'खा ट्रेनि खारनाया फैगौ 24 डिसेम्बरनिफ्राय जागायजेनगोन आरो सिलस्वरनिफ्राय फुंनि 7:20 रिगानिफ्राय खारजेनगोन आरो गुवाहाटीनिफ्राय हरनि 11:55 रिगायाव जर'खा ट्रेनआ खारगोन होन्नानै एनएफआरआ सुलुखव फोरमायदों।

## फैगौ बिधान सभा जथुमाव बि के डब्लिउ ए सि आयेनखौ थिसनगोनखौ

आयदानि सायाव गुवारै सावरनायन जादों। लोगोसे बे आयेनखौ फैगौ 28 निफ्राय 30 डिसेम्बरनि गेजेराव खुंजानो गोनां राइज्योनि बिधान सभा जथुम्मायाव आसाम सरकारआ गनायथि होगोनखौ मिर्जिथिदों। बिथाड फोरमायबावोदि इउ बि पि अनि 7 थि बोसोरसालिया जथुमाखौ फैगौ 5, 6 आरो 7 फेब्रुवारी, 2021 अक्ट'खालि सानथामनि हाबाफारिजों गलाघाट जिल्लानि धनसि महकुमानि सिडव थानाय मिथिंगा नोगोराव मेहेरगोनाइखुंफुंनो थाखाय थि खालामनाय जादों। बे बोसोरसालिया जथुमाखौ खुंफुंनो थांखि लानायखौ आसामनि गिबि मन्थि सर्बानन्द सन'वाल, रांखांथि मन्थि डु-हिमन्त बिश्व शर्मा आरो राइज्यो सभानि बारग' एम पि बिश्वजित दैमारीमोनहा गावसोरनि फारसेनिफ्राय गोजोननाय फोरमायहरदों आरो बे जथुम्मायाव बाहागो लानो इसारा होदों।

## बि टि सिनि गाहाइ मावफुंगिरि प्रमद बर'आ हरखाबै कक्राझार सरकारि

नायगिदिहेंदों। देहा फाहामसालिनि गासै वार्डफोरखौ लाफानानै गथ' जोनोम होग्रा खथा, अ टि खथाफोरखौ हाबनानै नायगिदिडे आरो देहा फाहामसालिनि देहा फाहामगिरि आरो नार्सफोरजों सावरायलायो। लोगोसे प्रमद बर'आ देहा फाहामसालियाव फाहामथाय लागसिनो थानाय माखासे बेरामिफोरजों सावरयदों। नायगिदिखानायनि उनाव बर'आ बे सरकारि देहा फाहामसालिनि राहा खालुफोरनि सायाव गोजोननाय गैयै फोरमायो आरो साबसिन सुबुंफोरनि सिबिथाय होनो थाखाय मोजांसिन आरो जौगा थाखोनि राहा एबा आइजें आयलाफोरनि गोनांथि द होननानै फोरमायो।

## राइज्योनि 3 लाख 22 रोजा रेजिस्ट्रेसन खालामनाय ....

गिबि मन्थिआ खौरं लायो। मेलआव गिबि मन्थिआ बिफानखौ राइज्योनि 3 लाख 22 रोजा रेजिस्ट्रेसन खालामनाय लुफुंग्रा श्रमिकफोरनो देहा फाहामथायाव हेफाजाब मोन्नायनि थाखाय साफ्रोमनोबो 5 रोजा रां होनायनि राहा लानो बिथोन होयो। राइज्यो सरकारआ समाजनि गोरिब आरो गाहाय थाखोनि सुबुंफोरखौ जौगाखांहोनायनि बिथिडव गुबुन गुबुन राहा लानाय जादों होन्नानै रायखाना गिबि मन्थिआ मुख्लं दयाल दास पानिका बिथांखिनि सिडव साहा बागान ओन्सोल्नि बेकार सेंग्रा-सिख्लाफोरनो गावनो गाव गसंथानो हानायनि खामानिखौ आखाइयाव लानायनि थाखाय 25 रोजा राइं होनायनि थांखि लानायखौ रायखाडो। गिबि मन्थिआ श्रमिक अन्साय बिफाननि बिबानगिरिफोरखौ बे बिथांखिनि सिडव आरोबाव बांसिन जाथावना मुलाम्फायारिनो होनो हानायनि राहा लानो थाखायबो बिथोन होदों। बे मेलआव गिबि मन्थिआ श्रमिकनि पेन्सन बिथांखिनि सिडव फिसा-फिसा गलादारफोरनोबो रांखांथि हेफाजाब होनायनि राहा लानो थाखाय बिथोन होनायजों लोगोसे प्रधान मन्थि सुरक्षा बीमा यजनाखौ मावफुंनयनि गोनां राहा लानो थाखायबो बिथोन होयो। गिबि मन्थिआ फैगौ बोसोरनि फेब्रुवारी दाननि गेजेराव पेन्सन बिथांखिनि सिडव खमैबो 10 लाख फिसा-फिसा गलादारफोरखौ रेजिस्ट्रेसन खालामनायनि सायावबो गोनांथि होनायजों लोगोसे श्रमिकफोरखौ रेजिस्ट्रेसन खालामनायनि फार्सें आवगायबोनो थुलुंगाखां होनानै सांग्रांथि हाबाफारि खुंनयनि सायावबो गोनांथि होयो। बिसोर सुबुंफोरनि आधार रेजिस्ट्रेसन खालामनायखौ बांसिन जानायनि राहा लानायनि सायाव गिबि मन्थिआ गोनांथि होनानै जाहाथे मिरु सरकारनि बिथांखिफोरखौ मोन्नो हायो दिनेनि बे सावरनायन मेलआव गिबि मन्थिनि आइन बोसोनगिरि सान्तनु भरली, श्रमिक अन्साय बिफाननि सिफ सेक्रेटारि जेबि एक्का आरो माखासे गोजौ थाखोनि बिबानगिरिफोराबो बाहागो लादोंमोन।

## कक्राझारआव नेडान फाउन्डेसनआ डिजिटेल डिभाइडनि सायाव सावराय बादा खुंदों

फरायसाफोरनि सोलेंथाय फरा-फारिफोरखौ फोजोबनो एबा आबोर खालामनो थाखाय भारत पडे अनलाइन हाबाफारिखौ जाययदों। बे हाबाफारिया अनलाइन सोलेंथाय होनायनि गेजेरजों गोबांथार फरायसाफोरखौ सोलेंथाय लानाय बेलायाव हेफाजाब खालामदों आरो गथ'फोरखौ गोबां रोखोमनि डिजिटेल प्लेटफर्मनि गेजेरजों फोरेंथाय जगायनानै होदों। लोगोसे बे मेलआवनो एन जि अनि मासिगिरि नाजरीआ सोलिफु समाव डिजिटेल डिभाइड एबा डिजिटेल जुगनि गोनांथिनि बागै गेबेडे बुंधिया होयो। बिथाड फोरमायबावनाय बादिब्ला, नेडान फाउन्डेसन एन जि अआ धुबुरी, कक्राझार, जरहा, लक्षिमपुर आरो तिनसुकिया जिल्लानि गोबां गामियारि आरो गेजेर नोगोर ओनसोलनि गासै 484 नखरफोराव सार्भे खालामदों। जाय नख'रफोरा हारियारि दाडबाजि, राजखान्थियारि दाडबाजि आरो दैबाना बायदि जेंनाफोरजों मोगा-मोगि जानांदों। लोगोसे गामि ओनसोलफोराव इन्टरनेट सोलेंथाय बिथिडवबो जोबोर उन गोर्लैसोनाय होननानै नेडान फाउन्डेसननि मासिगिरि डिगमर नाजरीआ गावनि बिबुंधियाव फोरमायो। बे मेलआव गाहाय आलासि महरै बाहागो लादोंमोन कक्राझारनि डि इ अ जयपाल सिं ब्रह्म, माननि आलासि महरै कक्राझार सि डब्लिउ सि मालति रानि नाजरी, कक्राझार एस एस एनि डिस्ट्रिक्ट प्रग्राम अफिसारफोर, समाजारि आफादफोरनि गोबां दैदेनगिरि आरो बिबानगिरिफोराबो बाहागो लाफादोंमोन।

## 2019-20 बोसोरनि माहारियारि सुबुं अन्जिमा

बांसिन जाबावनो हागौ। आसामनि देहा आरो सामाजिक खोन्देनि थाखाय बेयो मोनसे थुलुंगाखांथाव आबहाव। मख'नो गोनादि, थानाय 2015-16 बोसोरनि माहारियारि सुबुं अन्जिमा सान्नाय देहा खेंफोरथि बादिबैब्ला राइज्योआव हिन्जावफोरनिखुइ हौवाफोरनि अन्जिमाया एसे बांसिनमोन। नाथाय थानाय माखासे बोसोरनि गेजेरावनो आसामाव हिन्जावफोरनि अन्जिमाया बांसिन जानाय सुबुं समाजनि थाखाय गोजोन्थाव जादों। फार्सेथि आसामाव थानाय 5 बोसोरव गथ'सानि जोनोम जानाय अन्जिमायाबो बांसिन जादों। थानाय 5 बोसोरव गथ'साफोरखौ जोनोम होनाय जौखोन्दोआव गोखै हिन्जावसाफोरनि अन्जिमाया बांसिनायनि थाखायनो बे समाव हौवाफोरा हिन्जावफोरनिखुइ खम जानाय मोन्नो हादों।

## कंग्रेसनि एमएलए अजन्ता नेवगजों माखासे दैदेनगिरिफोरा बिजेपिआव

रोखा जादों। अजन्ता नेवगजों लोगोसे कंग्रेस दोलोनि माखासे एमएलए आरो दोलोनि दैदेनगिरिफोराबो दासान्दि बिजेपि दोलोजों फोनांजाब खालामदों होन्नानै मिबथिनो मोन्दों। सुलुनि बादिब्ला, सरपथारनि एमएलए रसलीना तिकी, एमएलए राजदीप गवाला, रुपज्यति कुरमी, दुर्गा बुमिजमोनहाबो बिजेपि दोलोआव थानो हासिगौ। दासान्दि बे गोनां बाश्राखौ बिजेपिनि माखासे दैदेनगिरिनि खुंगानिफ्राय खोनानो मोन्दों। एमएलए तेरज गुवालाया मैया मोनसे खौरं बिजौनि गेजेरजों मिबथिहोनाय बादिब्ला, फैगौ बोसोरनि फेब्रुवारी नडाब्ला गिबि दान जानुवारीआवनो बिसोर दैदेनगिरिफोरा बिजेपि दोलोआव हाबनो हागौ। आसामाव कंग्रेस दोलोआ लाथिख' जानाय एबा लोरबांसिन जानायखौ नोजोर होनानै कंग्रेस दोलोनि दैदेनगिरिफोरा फैगौ बिसायख'थिखौ मिरु खालामनानै बबे दोलोजों थाडेब्ला गावनि राजखान्थि केरियारआ सिगांलांगोन बेखौ नोजोर होनानै आथिखालनि राइज्यो सरकारनि दैदेन्नाय बिजेपि दोलोआव हाबहैनायनि बांसिन गोसो जानाय नुनो मोन्दों। थारैनो गोजौआव मख'नाय कंग्रेसनि दैदेनगिरिफोरनि अनगायैबो थानाय माखासे सान सिगां कंग्रेसनि बुंधिगिरि कमल कुमार मेथिआ दोलो नागरनानै गुबुन दोलोआव थांगोनआ रोखा जादों। दासान्दि आसाम प्रदेश कंग्रेसनि आफादगिरि रिपुन बराया दोलोखौ गोखों खालामनायनि फार्सें सम सम खौरं बिजौनि गेजेरजों गोखों बाश्राफोर बुंबोबाय थानायनि गेजेरावबो माखासे दोलोनि दैदेनगिरिफोरा गुबुन दोलोआव बारस्लायलानो थांखि लानाय थॉजोडे दोलोनि दैदेनगिरिनि लोरबांथिखौ फोरमायदों। नाथाय अजन्ता नेवगआ बिजेपि दोलोआव माब्ला हाबगोन बेनि फार्सें थि अक्टआ रोखा जायाखैब्लाबो फैगौ बिसायख'थिनि सिगां सिगांनो बिजेपि दोलोआव हाबहैगोनआ रोखा जादों। फार्सेथि दोलोनि मोनसे समाव गोखों दैदेनगिरि आरो मन्थि जाबोनाय अजन्ता नेवगनि बिजेपि दोलोआव थानो थांखि लानायखौ लानानै खुंनाय बियाबनि एमएलए मृनाल शइकियाआ बुडोदि, अजन्ता नेवगनि बिजेपि दोलोआव हाबहैगोननि फार्सें सिगांनिफ्रायनो इसाराखौ मोन्नो हादों। फार्सेथि फैगौ 26 डिसेम्बरखालि मिरुनि नख'र मन्थि आरो बिजेपिनि गोखों दैदेनगिरि अमित शाहआ आसामाव दावबायफैनाय समाव अजन्ता नेवगआ बिजेपिआव हाबनो हागौ होन्नानै मिबथिहोयो।

## फ्रि-फ्रि अखा हानाया आसामाव बांसिन खालामनो हागौ गोजांनयखौ

मोनसे खेंफोरथिनि बादिबैब्ला दिनेनिफ्राय फैगौ माखासे सानसिम आसामजों लोगोसे सा-सान्जा राइज्योफोराव बरफ गोयलैनायबादि फ्रि-फ्रि अखा हानो हागौ। फेबाय थानाय समाव आरोबाव बोथोरनि गुसुआ बांसिन जाबावगोनआ खेंफोरथि होनाय बादिथै रोखा जागोनखौ नुहदों। गुबुन फार्सेथि दासान्दि साननैसोनि गेजेराव आसामजों लोगोसे सा-सान्जा ओन्सोलाव गुसु सुहाबनाया सुबुंफोरखौ गुबुन जायगायाव दावबायनाय आरो न'आव थानाय समावबो गोजोन्नाय गैयै आरो रेहाय गैयैबादि जानायखौ नुनो मोन्नायजों लोगोसे दासान्दि आरोबाव गुसुसिन जाबावगोननि सांग्रांथि होनाया सुबुंफोरखौ जिगासिहोनाय खालामदों। मख'नो गोनादि, आसामजों लोगोसे सा-सान्जा राइज्योफोरनि अनगायैबो मिरु बोथोर बिफानआ दिल्ली, हरियाणा, पान्जाब, सोनाब बंग बायदि राइज्योफोरावबो फेबाय थानाय समाव गुसुसिन जागोन। दासान्दि बोथोर बिफानआ गोजौआव मख'नाय राइज्योफोरखौ सांग्रांथि होदों। फार्सेथि गुवाहाटीआव थानाय बोथोर बिफानआ आसामनि जायगा-जायगा फ्रि-फ्रि अखा हानायजों लोगोसे गोबां खुवा खुनो हागौ होन्नानै सिगांग्रां सांग्रांथि होदों। जर'खायै 18 आरो 19 डिसेम्बरआव राइज्योआव खुवा-खुनायखौ बांसिन जागोन होन्नानै सांग्रांथि होबावदों। मख'नो गोनादि, गोजां बोथोरनि खुवा खुनाय समाव गारि-मथरफोरनि हान्था-मैला खालामनाय फार्सें बांसिन जिगासिथावना जादों। मानोना बोसोरफोमबो खुवा खुनाय समाव गारि-मथरनि सौप्रावनाय बायदि जाथायफोरा नुजाथिनायखौ नुनो मोनबोदों।

## मावख' लुफुंनयनि थाखाय 50 लाख रां हेफाजाब होनो गिबि मन्थिआ

फोरमायनानै होयो। मेलनि जागायजेन्नायाव गिबि मन्थि सर्बानन्द सनवालआ मुख्लंफोरनि आदर्शखौ सन्मान होनानै मोननै आफादनि थान्दैफोरखौ खौसेथिनि गेजेरजों खामानि मावलांनो थाखाय फोसावो। गिबि मन्थिनि फोसावनायखौ हेफाजाब होनानै मोननै आफादनि थान्दैफोरा गोरोबनानै खामानि मावलांगोन होन्ना बुंधियो। बे मेलआव मोननै आफादनि थान्दैफोरा गुवाहाटीआव मावख' लुफुंनयनि थाखाय हा हगारनो गिबि मन्थिखौ खावलायो। थान्दैफोरनि खावलायनाय बादिथै गिबि मन्थि सनवालआ गुवाहाटीआव 2 बिथा हाखौ मावख' लुफुंनयनि थाखाय हगारनानै होनायनि राहा लानो नख'र बिफाननि सिफ सेक्रेटारि निरज बर्माखौ बिथोन होयो। गिबि मन्थिआ लोगोसेथै बे मावख' लुफुंनयनि थाखाय 50 लाख रां हरनो गिबि मन्थिनि उफ्रा सिफ सेक्रेटारि पवन कुमार बरठाकुरखौ बिथोन होयो। मुख्लं आरो बिसोरनि नख'रखौ फसंथानफिन्नायनि फार्सें गोनांथार राहा लागोन होन्नानै थान्दैफोरनि सिगाडव बाश्रा होयो। आसाम सोमावसारनायनि जायफोर मुख्लं जाजानाय नख'रफोरा दासिमबो रांखांथि हेफाजाबखौ मोन्नो हायाखै बिसोरनो रांखांथि हेफाजाब होनायनि राहा लानो गिबि मन्थिआ दिनेनि जथुमनाय मेलआवनो बिबानगिरिखौ बिथोन होयो। बे मेलआव गिबि मन्थि सनवालआ बुडोदि, आथिखालनि सरकारआ सुबुं सिबिनाय आरो हारिनि बिबान लानानै मुख्लंफोरनि आदर्शखौ फोथानानै लाखिनायनि फार्सें गोखै खामानि मावगासिनो। मुख्लंफोरनि आदर्शखौ फोथानानै लाखिनो हायोब्ला हारिआ गोखों महरै इयुनाव मुलुग दरबारआव गसंथानो हागोन होन्नानै गिबि मन्थिआ बुडो। मुख्लंफोरखौ गोसोखानानै गिबि मन्थिआ आथिखालनि राइज्यो सरकारआ मुख्लंफोरनि गोसोखां खाम्फा आरो पार्क बायदि लुफुंनयनि फार्सें गोनांथार राहा लानाय बाश्राखौबो बुंधियो। दिनेनि बे जथुमनाय मेलआव गिबि मन्थिनि मिडिया बोसोनगिरि ऋषिकेश गस्वामी, गिबि मन्थिनि आइन बोसोनगिरि सान्तनु भरली, नख'र बिफाननि सिफ सेक्रेटारि निरज बर्मा आरो माखासे गोजौ थाखोनि बिबानगिरिफोराबो बाहागो लादोंमोन।

## एवसुनि सालबारि दख'रा आफादनि खुंगा 22 थि बोसोरसालिया

मासि सामलायनायाव खुंनाय जायो मोनसे मेलखौ। बे मेलआव बानेस्वर केरखातारिखौ आफादगिरि, मिलन बसुमतारिखौ गाहाय नेहाथारि महरै बिबान होनानै जथुम्मानि थाखाय मोनसे रायदाव आफाद दाफुंनय जायो।

खन्थाइ

- बेनिजन बरगयारी बडइगाव, आसाम

फालगुन दाननि जावलिआ बाराव।  
सानस'नो हायै लाइमोन बैसोआव  
गुवार गोसोनि अन्नाय लानानै  
मोजां मोन्दोंमोन रजे  
आं नोंखौ जेब्ला।  
अब्ला, नों आंनि बायराव  
देरानि लांगोनायाव बारदोंमोन  
सान्नेसोनि गोजा गलाब बिबार।  
दिने बै गोजा गलाब बिबारा बहा ?... ?  
नाथाय , नोंदि बै सिखिफोरनि  
गेजेरावसो बारहैनानै दं।  
आंनि बेसेबा गोजानावसो. ....।

गोजा गलाब बिबार

नों, मोदोम जायाखैथ',  
सिखिफोरजों बिदे सोबजानो।  
बिबिदिनो, रजे नोंखौ आ  
हास्थायदोंमोन मोकथांआव।  
नाथाय नोंदि बावगारलांबाय  
अब्लाबो आं नोंखौ गोबोंजों  
मोजां मोन्दोंमोन...  
जाफु होनो थाखै.....  
नाथाय सानाखैमोन नों रजे  
आंनि अन्नायकौ सैथो गोथार होन्ना।  
जाउनाव जानांबाय आं दिनें  
लोगो गोमाजानाय दाउसा माउरिया

बिदिब्ला रजे बुं बै समनि  
अन्नाया बेसेन गैयामोन नामा।  
जानो हागौ आंदि गोरोन्थि  
खालामबाय बिनि थाखाय नों  
आंखौ नेवसिगारनो हागौ।  
नाथायय, नोंबो इसेबां गिदिर  
समाय लानायखौ गियाखैसै।  
ना नों समायखौ फिसा  
होन्नानै सासनबाय नामा।  
ना फालगुन दाननि थिं थिं  
सान्दुं दुंनयाव रानज्रिलानो  
हमबाय नामा बै गोजा

# अक्षयआ बयनिखुडुबो बांसिन रां आर्जिनो हाग्रा सा 100 स्टारफोरनि गेजेराव सासेल' भारतीय

वासिंन, 18 डिसेम्बर : आमेरिकान बिजनेस मेगाजिन फर्ब्सआ बावैसो समाव 2020 आव बयनिखुडुबो बांसिन रां आर्जिनो हाग्रा मुलुगनि सा 100 स्टारफोरनि फारिलाइखौ फोसावदों। अक्षय कुमारआ बे फारिलाइन सासेल' भारतीय आरो 52 थि थाखोआव दड। करनानि जेनाया अक्षयनि रां आर्जिनायावबो गोहोम गोलैदों। थानाय बोसोरनि रुजुनायाव बे बोसोराव विनि इनकामआ 88 कौटि रां दावखलायदों। बेनि अनगायैबो बियो जेकी चेन आरो जेनिफार लपेज बायदि फावगिरिफोरनि गोवां गोजौआव थादों।

2019 आव बियो 44.4 कौटि रांखौ आर्जिंदोंमोन, जाय बे बोसोराव 48.5 मिलियन डलार (गासै 356 कौटि रां) जादों। थानाय बोसोराव अक्षयआ बे फारिलाइआव 51 थि आरो 2018 आव 270 कौटि रांखौ आर्जिनायजों लोगोसे 76 थि




नम्बरआव थादोंमोन। म् ग र्जि न नि बायदिब्ला, अक्षयनि रां आर्जिनायनि गाहाय फुंखाया सावथुनफोरा। रिपर्टआव बेबो लिरनाय दडोदि बियो बेंकेबल स्टार आरो 'बच्चन पान्डे, 'बेल बटम' बायदि रिलिज जानो गोनां सावथुनफोरजों गासै 13 मिलियन डलार (गासै 95 कौटि रां) खौ आर्जिंमोन। फ र्जि ल इ नि बायदिब्ला आमेरिकानि

मिडिया पार्सनेलिटि, मडेल आरो बिजनेस वुमेन काइलि जेनार आ मुलुगयाव

## सारा आली खानखौ हिरपन्ती 2 निफ्राय बोखारना होदों

गोदान दिल्ली, 18 डिसेम्बर: फावखुंगुर सुशान्त सिं रजपुत थैनायजों सोमोन्दो गोनां ड्रामस केसआव मुंआ फैनारनि उनाव सारा आली खाननि थाखाय सशेल मिडियाआव गोवां हेंथा सोमजिदों। बेनि गोहोमा विनि प्रफेशनेल लाइफयावबो गोलैदों। रिपर्टनि बायदिब्ला कन्ट्रलसीआव मुंआ फैनारनि उनाव बिखौ टाइगर श्राफनि हिर' पन्ती 2 निफ्राय एसनदों। फोरमायनाय बायदिब्ला सावथुनआव आथिखालआव विनि जायगायाव तारा सुतारियाखौ कास्ट खालामनाय। बलीउड हांगामानि रिपर्टनि बायदिब्ला ड्रामस केसआव सारनि मुंआ फैनारनि लोमो लोमोनो बिखौ हिर' पन्तीनिफ्राय एसनदोंमोन। स्टुडेंट अफ दि इयार 2 आव लोमोसे फाव खालामनाय तारा सुतारियाआ टाइगरनि मोजां लोमो, बेनिखायनो टाइगरआ प्रडिउसारजों सावथुनयनो बिखौ कास्ट खालामदों। आउटसाइडर जानायनि जाहोनाव ताराया



सारनि थि रिफ्लेसमेन्ट जादों। मेकासआ बेबायदि खालामनो हास्थायाखैमोन। नाथाय विनियाव गावनि प्रजेक्टखौ रैखाथि होनो आरो आवगायलानो थाखाय गुबुन थांखि गैयामोन। स र्जि न नाडियाडवालानि प्रडाक्सन हाउस नाडियाडवाला ग्रेंड सन्सनि बेलारनि सिडाव बानायनाय हिरपन्ती 2 खौ अहमद खानआ बिथोन होदों। सावथुननि शूटिंखौ थाबैनो इउएइआव जागायगोन। सावथुनआ 16 जुलाइ 2021

डलार (गासै 43.40 कौटि रां) खौ आर्जिंदों।

फ र्जि ल इ नि आव आमेरिकानि रेबार कान्ये वेस्ट आ 170 मिलियन डलार (गासै 1250 कौटि रां) आर्जिनायजों लोमोसे नैथि थाखोआव दड। आमेरिकानि फावखुंगुर टाइलर पेरीआ 97 मिलियन डलार (गासै 713 कौटि रां) जों लोमोसे 6 थि थाखोआव आरो डबेन जनसनआ 87.5 मिलियन डलार (गासै 6432 कौटि रां) जों लोमोसे 10 थि थाखोआव दड।

# गाहाम देहानि राहा

## जामुननि बेगरा डायबिटिस आरो देहानि लिरथायखौ खम खालामनायनि थाखाय मुलाम्फा गोनां

आयुबेदयाव काला जामनि बेगराखौ देहानि थाखाय बोर मानिनानै लानाय जादों। बेवहाय थानाय एन्टिअक्सिडेन्ट, फ्लेवनाइड, भिटामिन सि, जिंक आरो के लसियाम बादि गुनआ डायबिटिसनि खैफोतनिफ्राय रैखाथि होनायजों लोमोसे देहायाव कलेस्ट्र लनि बिबांखौ खम खालामनायने दोगोन जाग्रा तन्त्र आरो लिरथायखौ खम खालामनायावबो मदत खालामो।

(1) काला जामनि बेगराखौ दोगोन जानायनि थाखाय मोजां मानिनानै लानाय जायो। फाइबरनि गुनजों बुंफबना थानाय जामुनि बेगरा उदैन गारां जानाय, बुखानाय आरो आल्सार बादि जेनाखौबो खम खालामनायाव मदत होयो। (2) काला जामया ब्लाड सुगारखौ कन्ट्रल खालामो। जामुनि बेगराव जाम्बालिन आरो जाम्बालिन मुनि यौगिक थायो, जाय ब्लाड सुगारनि




बिबांखौ खम खालामनायाव मदत होयो। (3) करना जेनानि समाव गसिबो सुबुंफोरा गावबा गावनि इमिउनिटिखौ गोखों खालामनो नाजादों। बेबादियाव काला जामनि बेगरा मुलाम्फा गोनां जानो हागौ। जामुनि बेगरयाव थानाय प्लेवनाइड बादि एन्टिअक्सिडेन्टआ देहाखौ ख'हा जानायनिफ्राय रैखाथि होयो। (4) जाय सुबुंफोरा देहानि लिरथायखौ खम खालामनो गोसो जायो, बेयो काला जामनि बेगराखौ जानांगौ। काला जामयाव फाइबरआ

गोवां बिबानि थायो, जाय उदैखौ हेल्दीये लाखियो। (5) आइजोफोरा सम सम पिरियड जानाय समाव उदै सानायजों मोगा-मोगि जानाडो। काला जामनि बेगराव थानाय पिंका उदै सानायखौ जानगर खालामनो हागौ। बे खौराडा सरासन्सा खौराखौ जगायना होयो। नाथाय बेयो सोरबा गुन गोनां फाहामगिरिनि सुबुरुन होनाय नडा। बेनि थाखाय फाहामगिरिनि गनायथि लानाया गोनांथार।

## कंगना रनाटनि दुइतर एकाउन्टआव सास्पेन्डशननि दाबि दैखांदों

गोदान दिल्ली, 18 डिसेम्बर: गोब्राव महैरै हरियारि दाडबाजि मुगैलायनायखौ गोसारहोनो थाखाय कंगना स्तर्नि दुइतर हेन्डेलखौ सास्पेन्ड खालामनो थाखाय डिसेम्बरनि जागायनायाव गांसे सुबुंथिनि अजदलाइ थिसन्दोंमोन। जायखौ बृहस्पतिवारआव हेयारि होनायै बम्बे हाइ कर्टआ अजदलाइ थिसनिगिरिनियाव सौंथि सौंदोंदि, मा नोंथानाव बे दुइत खालामनाया सुबुंथि महैरै गोहोम गोलैदोंमोन नामा? बे केसखौ सुबुंथिनि अजदलाइ महैरै लागोन ना लाया बेनि सोमोन्दै कर्टआ बिजिरिसिगोन। बिजिरिगिरि एसएस शिन्दे आरो बिजिरिगिरि एम एस काणिकनि खान्डीपैठआ उकिल आलि कासिफ खान देशमुखनि गेजेरजों थिसन्नाय अजदलाइआव हेयारिखौ 21 डिसेम्बरसिम



दोन्थ'नाय जाबाय। अजदलाइआव बुंनाय जादोंमोनदि कंगनानि दुइतर एकाउन्टखौ हादतआव एखेराहेयै मुगैलायनायखौ गोसारहोनो आरो गावसाहोनो नाजानायनि जाहोनाव अरायथा महैरै सास्पेन्ड खालामनांगौ। बिनि जेना गोनां आरो अफमान खालामनाय दुइतरआ हादतआव दायनिगिरिखौ बांहोदों।

बे केसआव बृहस्पतिवारआव जानाय हेयारिनि समाव उकिल आलीआ अजदलाइनि सोमोन्दै गावनि बिबुंथिखौ होदों। बेनि सायाव कर्टआ बिनियाव सौंथि सौंदोंदि, मा नोंथानाव सुबुंथि महैरै बेजों गोहोम गोलैदों नामा? जुदि नोंथाड सुबुंथि महैरै दुखुब्ला बेनि सायाव सावथुनयनांगौ।

उकिल आलिआ बेनि सिगांबो कंगनानि हेंथायै मोनै दायफोरखौ थिसन्दों, जायनि गेजेराव मोनसेयाव कंगनानि बिनानाव रंगालीखौबो दायनिगिरि बानायदोंमोन।

## नीतु कापुरआ फिसाइ ऋषि कापुरखौ गोसोखांदों

गोदान दिल्ली, 18 डिसेम्बर: रंसारि जानाय फावखुंगुर ऋषि कापुरनि बिसि नीतु कापुरआ बिखौ गोसोखांदों। इनस्टाग्रामआव खालामनानै नीतु कापुरआ लिरदों 18 डिसेम्बर 1970 आव मेरा नाम जकार सावथुनआ रिलीस जादोंमोन। दिने बियो भारतीय सावथुन इन्डास्ट्रीआव 50 बोसोर फुरा जासिगोमोन। राजकापुरनि गाहाय फाव खालामनाय मेरा नाम जकार सावथुनआव ऋषि कापुरआ उदै फावगिरि महैरै फाव खालामदोंमोन। राज कापुरनि बे सावथुनआ रिलीस जानाय



समाव प्लप फोरमान जादोंमोन, नाथाय उनाव हिट

जादोंमोन। दिनेसिमबो बे सावथुनखौ भारतीय सिनेमानि

आइकनिक सावथुनफोरनि मोनथिनाय जायो।

गेजेराव मोनसे होन्ना नीतु कापुरआ जाय

## हाजोफोराव दै बाज्रुमआ लाथा खादों

गोदान दिल्ली, 18 डिसेम्बर: साहा भारतआव एखेराहेयै बिदुंआ दावखलायदों। फुंयाव खुवाखुनाय आरो सानआव गुसु जानायजों लोमोसे गुसु बारहावा बारनायखौ सुबुंफोय मोन्दांथिदों आरो फेनो गोनां सानफोरवबो सुबुंफोय गुसु बोथोरजों मोगा-मोगि जानांगोन। बोथोर बिगियान बिफाननि बायदिब्ला 18 डिसेम्बरसिमआव साहा भारतआव गुसु बारहावा बारनाया सोलिबाय थागोन।

हाजोफोराव एखेराहेयै बरफ गोलैनायजों साहा भारतआ गुसु सुहावनायनि बेंख्थायाव थादों। दावखलायनाय



बिदुंजों फुरा काश्मीरआव बिदुंआ 0 निफ्राय गाहायसिनाव थादों। फारसेथिं उत्तरखान्द आरो हिमाचलआवबो बिलो, दै बाज्रुम आरो फुखिआ लाथा खादों। बेजों सरसनसा सुबुंफोरनि जेनाया बांदों। बेनि अनगायै हाजोफोराव जानाय गुसुनि गोहोमखौ दिल्ली आरो खाथि खालानि हायेन रङ्ग्योफोरावबो गोलैनाय नुनो मोन्दों। डिसेम्बरनिफ्राय बोथोरनि थासायाव सोलायनाया फेगोन आरो बिदुंआव 2-3 डिग्री बांगोन। माहारियारि राजथावनि दिल्लीयाव आबहावनि गुनखौ गेजेर आरो गात्रि थाखोनि रेकर्ट खालामनाय जादों।

सावगारिफोरखौ शेयार खालामदों बेवहाय ऋषि कापुरनि गां 4 सावगारिफोरा दफादेरो। बे रोखोमैनो बियो गावनि फिसाइ आरो रंसारि जानाय दैदेनिगिरिनि आलादा-आलादा बैसोनि सावगारिफोरखौ शेयार खालामदों। उन्दै फावगिरिनिफ्राय लानानै केरेक्टर फावसिमनि बिनि सावगारिफोरखौ शेयार खालामनानै नीतु कापुरआ फिसाइखौ गोसोखांदों। बे सावगारिआव बिथोनगिरि करण जहरआ कमेन्ट खालामनाने लिरदों आनि हास्थायगिरि सावसिन फावखुंगुर। करण जहरआनो बिनो गोबाव सम ब्रेक लानायनि उनाव आनिपथ सावथुनआव निगेटिभ फावआव जायगा होदोंमोन। बेनि अनगायै डिजाइनर मनीष मल्हत्रायाबो कमेन्टआव माखासे इमजी पर्ट खालामदों।

बेनि सिगां गावनि बिहाव राजकुमारनि जोनोम साननि खाबुआवबो नीतु कापुरआ फिसायजों लोमोसे गावनि सावगारिखौ शेयार खालामदोंमोन।

## भारत आरो अस्ट्रेलियाआ उतखारिफोरनि सिमना बारनायखौ सावरायदों

गोदान दिल्ली, 18 डिसेम्बर : पाकिस्तानि फारसे नोजोर होनाई भारत आरो अस्ट्रेलियाआ बृहस्पतिबार खालि उतखारिफोरनि सिमना बारनायनि सायाव सावरायो आरो गासै उतखारिफोरनि नेटवार्कनि हेंथायै नायबिजिनो दाबि देखाडे। उतखारिफोरजों जुजिनो थाखाय भारत-अस्ट्रेलियानि हाबा मावग्रा आफादन भाचुएल जथुमानि समाव बे केसखौ दिखानाय जायो। जथुमानि उनाव फोसावनाय मोनसे जुथाय बिबुंधियाव बुनाय बायदिल्ला, भारत आरो अस्ट्रेलियाआ उतखारिफोरनि गासै आखुफोरखौ सावरायदों। बेनि अनगायै उतखारिफोरनि हेंथायै दावहा नांनो थाखाय हरिमायारि मदतनि गोनांथिनि बाध्रा बुजे। बे बिबुंधियाव बुबावदों, फारसैबो



हान्जाफोरा गाहाय मन्थि नरेन्द्र मदि आरो बेनि अस्ट्रेलियानि समान बिबानगिरिनि गेजेरजों गायसन्नाय गुवार सोलौखान्थिजों उतखारिफोरजों जुजिनो थाखाय हेफाजाब होलायदों। बेराफारसे भारत आरो ब्रिटेइनआ निउक्लियार नन-प्रलिफारेसन, गोदोनिफ्रायनो

सोलिबोनाय हाथियार, बाइजोयारि अखांमानि रैखाथि आरो गुबुन हादतयाव दैथाय हरनाय बेबस्थाजों लोब्बा गोनां आयदाफोरनि सायाव थानाय बृहस्पतिबार खालि सावरायो। बेयाव दरनैबो हादतआ गासैबो बिथिडाव गावसोरनि जौगाखानायनि सोमोन्दै गुवारै सावरायो।

## भारतआरि ना हमग्राफोरनि रेहायनि थाखाय भारतआ श्रीलंका सरकारजों सोमोन्दो लाखिदों

गोदान दिल्ली, 18 डिसेम्बर : श्रीलंकानि नेभिफोरा बावयैसो समनि सिगां माखासे भारतआरि ना हमग्राफोरखौ हमदों। भारतआ बेनि सोमोन्दै थानाय बृहस्पतिबार खालि बुजेदि, राजथान्दैआ सौहै नांनै ना हमग्राफोर आरो बिसोरनि नावफोरखौ रेहाय मोनहोना थाखाय राजथान्दैआ श्रीलंका सरकारजों लोगोसे सोमोन्दो लाखिबाय। गुबुन हादतयारि बिफाननि बुंधिगिरि अनुराग श्रीबास्तबआ बुनाय बायदिल्ला, जों सा 36 भारतआरि ना हमग्राफोर आरो ना हमनायाव बाहायग्रा बिसोरनि नावफोरखौ 14 आरो 15 डिसेम्बराव श्रीलंकानि नेभिफोरा हमनायनि सोमोन्दै खौरखौ नुनो मोन्दों। बेबायदिनि खौरखौ तामिलनाडु सरकारनिफ्रायनो मोन्दों। बिथाड बुंबावदों सरकारा बे आयदाखौ गोनांथि होयो आरो जों कलम्बयाव थानाय हाइ

कमिसनार आरो जाफनायाव थानाय थान्दै मावख'नि गेजेरजों श्रीलंका सरकारजों लोगोसे खाथि सोमोन्दोयाव दड। श्रीबास्तबआ बे बाध्राखौ मख'नानै बुनाय बायदिल्ला, ना हमग्राफोरजों लोब्बा गोनां आयदानि सायाव भारत आरो श्रीलंकानि गेजेराव माखासे बोसोरनिफ्रायनो फारसैथि जाय सावरायनायनि एजेन्डयाव थाबोदों। अदेबानि ना हमग्राफोरनि आयदानि सायाव सावरायनाय आरो हेफाजाब होना थाखाय दरनै हादतनि गेजेराव मोनसे तन्त्र दड। बेराफारसे डिएमकेनि गाहाय एमके स्टालिनआ बे ग्रेप्टार खालि मनाय फोरखौ सोंखारिदोंमोन। बेनि गेजेरजों स्टालिनआ गुबुन हादतयारि मन्थि एस जयशंकरनाव इमारजोसिये सा 36 ना हमग्राफोरखौ लाबोफिन्नायखौ बिजिरनो आर'ज गाबदोंमोन।



## चीनआ आमेरिकानि कम्पनी फाइजारनि करना भेक्सिनखौ बायगासिनो दड

गोदान दिल्ली, 18 डिसेम्बर : बबेखानि कभिड-19 महामारिनिफ्राय रैखा मोनो थाखाय खालामनाय भेक्सिननि बिथिडाव चीनआ गावसोरखौबो बयनिखुइ सिगाडाव होनानै फोरमायबोबाय थादों। नाथाय बिसोर गावसोरनि थाखाय फाइजार-बायएन्टेक भेक्सिननि 10 कौटि डूपखौ बायनो जार्मानजों लोगोसे रादाय खाबाय। बेबायदियाव आथिखालाव औरैबायदि सोंथि सिखांगासिनो दडदि, मा चीनआ करना भेक्सिनखौ लानानै मुलुगखौ थगायाखैथ'?



मख'नो गोनांदि, फाइजारआ आमेरिका आरो बायएन्टेकआ जार्माननि कम्पनी। बे दरनै हादतजों गोरौबलायनानै करनानिफ्राय रैखा मोनयनि भेक्सिनखौ दिहुन्दों। बेनिफ्राय रोखा जायोदि, चीननि भेक्सिन बानायनायाव दासिमबो गोबाव सम नांबावगौ एबा बिसोर गावसोरनि भेक्सिननि सायाव फोथायनाय गैया। चीनआ गावसोरनि भेक्सिनखौ मुदंखा हादतफोरा ब्राजिल, मेक्सिक आरौ आरबाव आन्जाद नायगासिनो दड। बिसोर

मालयेसियाआबो फाइजार आरो एस्ट्रेजेनेफाखौ बायनायनि रादाय खाबाय। बेनि सोमोन्दै आमेरिकानि बिबानगिरिफोरा बुनाय बायदिल्ला, मुलि कम्पनी फाइजारनि करना टिकानि उफ्रा खेबनि थाखाय बिसोर लान्थिये सावरायगासिनो दड। सावसि आरो सुबुं सिबिथाइ मन्थि एलेक्स अजार आरो जर'खा बोसोनगिरि डा. मन्सेफ सलाअनइआ थानाय बुधवारखालि खौरगिरिफोरनो फोरमायनाय बायदिल्ला फाइजार टिकाखौ जगायनायनि थाखाय सम सिमनाखौ फोरमायाखै।

## भारतनि हालदैखौ आमेरिकायाव लन्स खालामदों

गोदान दिल्ली, 18 डिसेम्बर : सा-सान्जा राइज्यो मेगालयनि हालदैआ आमेरिकायाव सौहैबाय। मिरु आबाद मन्थि नरेन्द्र सिं तमारआ बेवहायनि कारकिउनि गोनां लकडंग हरिनि हालदैखौ आमेरिकायाव बाचुएलनि गेजेरजों लन्स खालामदों। मेघालयनि लकडंग हरिनि हालदैआ मुलुगनाडै मुदंखा। बेनि आबादखौ मेघा-1 बिथांखिनि गेजेरजों मावनाय जादों। आइ सि ए आरआ बेनि आबादखौ मोनसे अभियान महरै लादों। बेनि थाखाय आबादारिफोरखौबो थुलुगाखां होनाय जागोन। आमेरिकायाव लन्स खालामनायनि खाबुयाव मेघालयनि आबादारिफोरखौ बाख्नायनानै तमारआ बुदों



आबादारिफोरखौ जौगाखां होना थाखाय मिरु सरकारआ जेब्लाबो थियारि जादों। सरकारआ मेघालयनि मसला दिहुनग्रा आबादारिफोरखौ गासिबो रोखोमनि मदत खालामगोन।


मेघालयनि जयेन्तिया हिल्लस जिल्लायाव दाफुनाय एफपिअ आरो आमेरिकानि गंसे कम्पनीनि गेजेराव रादाय खानाय जादों। तमारआ बुदों गुबुन गुबुन एफपिअयाबो बे

रोखोमनि नाजानाया गोनांथार। बेजों फिसा फिसा आबादारिफोराबो मदत मोवगोन। भारतआ हालदै दिहुन्याय आरो गुबुन हादतयाव दैथाय हरनायाव गिबि

थाखोआव दं। हालदैखौ मुलुगयारि दिहुन्यायाव 80 जौखोन्दो बाहागोया भारतनि। 2019-20 नि समाव 2.50 लाख हेक्टर हायाव हालदैनि आबादखौ मावनाय जादोंमोन, जेराव 9.50 लाख टन हालदैखौ दिहुन्दोंमोन। मुलुगयारि बाजाराव भारतीय हालदैआ प्रिमियम बेसेनखौ मोन्तो हादों। आइ सि ए आरनि बिगियानगिरिफोरा मेघालयखौ बोथोर सोलायनाया गोहोम गोरलैयो मानिनानै बेवहाय माखासे रोखोमनि मसला आबादखौ मावनो थुलुगाखां होदों। बेवहायनि आबादारिफोरसो 1 हेक्टर हायाव 30 हजार रनि मदतखौ होनाय जायो।

## चीनआ उइगर मुसमानफोरखौ इनाय अनगार खालामदों

वासिंटन, 18 डिसेम्बर : मुलुगनाडेचीनआ गांजि आखुनि थाखाय सावराय जादों। चीनआ माखासे बोसोरनिफ्रायनो उइगर मुसलमानफोरनि सायाव इनाय-अनगार खालाम बोदों। नाथाय चीनआ आथिखालाव उइगर मुसलमानफोरखौ नोजोर होनायजों लोगोसे मुलुगनाडेनि माखासे हादतफोरखौबो नोजोर होदों। चीनया मोनसे ससियेल मिडिया सार्विलास सिस्टेमखौ फसंदों, जायनि मदतजों बियो गुबुन हादतयाव थाहैनाय उइगर मुस्लिमफोरखौबो नोजोर होदों। पिएएन रिपर्टनि बादिब्ला इन्टारनेसनेल अपिनियनखौ लानानै जिंगा सिनाय चीननि कमिउनिस्ट पार्टिआ फेसबुक, टुइटर, बीचेट बादि ससियेल मिडिया प्लेटफर्मखौ मनिटर खालामनायखौ जगायजेनबाय। रिपर्टयाव फोरमायदोंदि, सुइडेनआव थाहैनाय नहरल एलिमाया चीननि बिबानगिरिनि बिजिरनायजों मोगा मोगि जानादों। सेप्टेम्बर 2020 याव बिनि सासे बाहागि मायिला याकुफुआ यिनिंग डिटेन्सन सेन्टरयाव थानाय मोनसे



चीननि इन्टर्नमेन्ट कम्पनिफ्राय उदां जादों। बेनि उनाव एलिमाआ बिडिय कलनिनि गेजेरजों याकुफुजों सोमोन्दो लादों। एलिमाआ फोरमायदों जागायजेनायाव बिखौ सिनायनो

हायाखै। मानोना बिखौ गोबां लोरबां नुदोंमोन। बियो गिदोंमोन आरो बांद्राय बाध्राखौ बुनो हायाखैमोन। बिबानगिरिनि बादिब्ला, याकुफुनि दाया मोनिदि, बियो गावनि रांखान्थि बुधुमनायखौ अस्ट्रेलियाआव थानाय गावनि बिमा-बिफानो जगायना होयोमोन। जाहाथे बिसोरो बायनो हायो। बेनि उनाव चीननि बिबानगिरिया थाबैनो बिखौ होबथानानै सोनाब शिनजियांगयाव गंसे देहा फाहामसालियाव थिसनो।

कलकाता, 18 डिसेम्बर : फेगौ बोसोराव सोनाब बंगयाव जानो गोनां बिधान सभा बिसायख'थिनि सिगां तृणमुल कंग्रेसनि जेनाया बारायगासिनो दड आरो गिबि मन्थि ममता बेनार्जीखौ सानसेयावो मोननो गिदिर सोमोनांहोदों। बबेखानि तृणमुल कंग्रेसनि एमएलए शीलभद्र दत्त आरो बाइड सुबुं सानखौ गोहोनि दैदेनगिरि कबीर-उल-इस्लामआ थानाय शुक्रबार खालि पार्टिनिफ्राय

## सोनाब बंगआव बिधान सभा बिसायख'थिनि सिगां साब्रै दैदेनगिरिफोरा बिबान एंगलायबाय

बिबान एंगलायो। बेनि सिगां शुभेन्द्र आरो जितेन्द्र तिवारीआ पार्टिखौ नागारदोंमोन। 24 परगना जिल्लानि बेरेकपुरनिफ्राय एमएलए शीलभद्र दत्तआ ममता बेनार्जीनो गावनि बिबान एंगलायनायखौ दैथाइ हरदों। सुलुडाव फोरमायनाय बायदिल्ला, शीलभद्र दत्तआ बिनि सिगां माखासे खेब भारतयारि राजखान्थियारि बिजिरग्रा कमितिनि गाहाय

प्रशान्त किशरखौ लानानै रगा जोंखांबाय। बिथाड बुदोंमोन, प्रशान्त किशरनि हाबा मावनाया मार्केटि कम्पनी बायदि। बेबायदि थासारियाव खामानि जानो हाया। सुलुडाव फोरमायनाय बायदिल्ला, ममता बेनार्जीआ थानाय 2019 आव लक सभा बिसायख'थिनि फिथाइफोरनि उनाव प्रशान्त किशरखौ गावसिनि पार्टिनि थाखाय राजखान्थियारि

सोलोयारि खान्थि खालामनो थाखाय सायख'दोंमोन। बेराफारसे सान्जा मदिनीपुर जिल्लायाव नन्दीग्राम बिसायख'थि ओन्सोलनिफ्राय एमएलए शुभेन्द्रखौ ममता बेनार्जीनि खाथि सोमोन्दो थानाय महरै गनायनोमोन। बिथाड थानाय 2009 आव नन्दीग्रामआव बाम मर्चानि सरकारनि हेंथायै हा आवग्रिनानै लानायनि हें थायै सोमावसारनायाव ममता बेनार्जीखौ मदत खालामदोंमोन, जायनि उनाव टिएमसिआ 2011 आव सोनाब बंगनि खुंथाइयाव फेदोंमोन। शुभेन्द्रनि अनगायैबो पाण्डे श्वर बिधान सभा ओन्सोलनिफ्राय एमएलए जितेन्द्र तिवारीआबो पार्टिनि गासै मासिफोरनिफ्राय बिबान एंगलायो। बिथाड बिबान एंगलायनानै दाय ज। बिसन्दों मोनिदि, कलकातायाव गोबां फान्ड दड, नाथाय जौगाखानायनि थाखाय जेबो फान्ड मोना।

## हादतआव गंभ्रै हाइ कर्टनि गाहाय बिजिरगिरिखौ सोलाय सोल' खालामदों

गोदान दिल्ली, 18 डिसेम्बर : सुप्रिम कर्टनि कलेजियामआ गोनांथि थांखि लादों। बियो अन्ध प्रदेशनि गाहाय बिजिरगिरि जेके माहेस्वरोजों लोगोसे गंभ्रै हाइ कर्टनि गाहाय बिजिरगिरिफोरखौ सोलाय सोल' खालामनो आर'ज गाबदों। गाहाय बिजिरगिरि एसए बडेनि सामलायनाय कलेजियामआ बिजिरगिरि महेस्वरीखौ सिक्किम हाइ कर्ट आरो सिक्किम हाइ कर्टनि गाहाय बिजिरगिरि एके गस्वमिखौ अन्ध प्रदेश हाइ कर्टयाव ट्रेन्सपार खालामनो आर'ज गाबदों। हाइ कर्टनि वेबसाइटनि बायदिल्ला कलेजियामनि 14 डिसेम्बराव जानाय जथुमायाव तेलेंगाना हाइ कर्टनि गाहाय बिजिरगिरि आर एस चौहानखौ उत्तपखान्ड हाइ कर्टनि गाहाय बिजिरगिरि



मासियाव ट्रेन्सपार खालामो आरो उरिष्या हाइ कर्टनि गाहाय बिजिरगिरि महाम्मद रफीकखौ मध्य प्रदेश हाइ कर्टआव ट्रेन्सपार खालामनायनि थांखि लानायखौ गनायथि होबाय। बेनि अनगायै कलेजियामआ बिजिरगिरि सन्जय यादबखौ मध्य प्रदेश हाइ कर्टनिफ्राय इलाहाबाद हाइ कर्ट आरो बिजिरगिरि बिनीत कठारीखौ माद्रास हाइ कर्टनिफ्राय गुजरात हाइ कर्टयाव ट्रेन्सपार खालामनो आर'ज गाबदों। जम्मू-काश्मीर हाइ कर्ट बिजिरगिरि राजेश बिन्दलखौ कलकाता हाइ कर्टयाव जायमाल्या बागचीखौ कलकाता हाइ कर्टनिफ्राय अन्ध प्रदेश हाइ कर्टयाव आरो बिजिरगिरि सतीश चन्द्र शर्माखौ मध्य प्रदेश हाइ कर्टनिफ्राय कर्नाटक हाइ कर्टयाव ट्रेन्सपार खालामनो आर'ज गाबदों।

## 47 मेच गेलेनायाव 55 गल सोनो हानाय लेबानडस्किआ फिफा प्लेयार फर 2020 बान्थानि थाखाय सायख 'जादों

जिउरिफ, 18 डिसेम्बर: बेयान मिउनिकनि फुटबलार र्वार्ट लेबानडस्किआ फिफाआ 2020 नि बेस्ट फुटबलार एबा साबसिन फुटबल गेलेगिरि महै सायख 'दों। सिगां बोसोरनि उइनार लियनेल मेसि आरो क्रिस्टियान स्नाल्डखौ गाहायाव दोन्ना नै बे खेबाव पलेन्डनि स्टाइकार लेबानडस्किआ बे बान्थाखौ देरहानो हादों। मख 'जाथावदि, 32 बोसोर बेसोनि लेबानडस्किआ थानाय सिजननि मोन 47 मेच गेलेनायाव 55 गल सोनो हादोंमोन। एरहाय मेनसिस्टार सिटिनि डिपेन्डार लुसि ब्रन्जेखौ बेस्ट अमेन फुटबलार अफ डि एयार बान्थानि थाखाय सायख 'दों। बे बान्थाखौ देरहागिरिफोरनि मुंखौ नेसनेल



टिम्स केप्टेन्स आरो कचफोरनि नमिनेसन होनारयनि सायाव बिथा खालामनाय सायख 'नाय जादों। बेनि अनगायैबो 200 मिडिया रिप्रेजेन्टिभसफोरा अन्सायगिरिफोरनि अनलाइन बेलटसनि सायावबो बिथा खालामनाय जादों। लेबानडस्किआ गिबि खेब फिफानि बे बान्थाखौ मोनो

कलपखौ साबसिन कच महै सायख 'नाय जादों। बिथाडा गावनि देदेन्नायाव लिभारपुलखौ गिबि खेब प्रिमियार लीग बिमुं देरहाहोदों। बबेखानि कलपआ बेजों लान्थिययै नैथि खेब बे साबसिन कच बान्थाखौ मोनो हाबाय। 2019 आवबो कलपआ बे बान्थाखौ मोनो हादोंमोन। बेयान मिउनिकनि मेनुएल नियुखौ साबसिन गलकिफार सायख 'नाय जादों।

## राशियाआ टकिय' अलिम्पिकनिफ्राय औखारनांबाय, नै बोसोरनि थाखाय बेन खालामजादों

गोदान दिल्ली, 18 डिसेम्बर: गेलेमुनि बयनिखुइ देरसिन टुर्नामेन्ट एबा अलिम्पिक गेम्सनि थाखाय दिने मोनसे गोनां थांखि लानायखौ फोसावदों। अलिम्पिक बान्जाय आफादआ थांखि लानाय बायदिब्ला बे खेबनि थामहिनबा फेगौ बोसोराव खुंजानो गोनां टकिय अलिम्पिक आरो 2020 नि बैइजिआव खुंजानो गोनां उइन्तार अलिम्पिकआव राशिया हादतआ बाहागो लानो मोन्नाय नडा। राशियाआ डपिनि



नेमखान्थिफोरखौ सिफायनायनि थाखाय दायनिगिरि

एजेन्सिया गावसिनि डपि टेस्ट खालामनाय समाव राशियानि माखसै दायनिगिरि अजद मोन्नाय जादों। बेरफारसे राशिया हादतआ गावसिनि सायाव बेबायदि थांखि लानायनि हेन्थायै गारां दैखदों आरो टकिय' अलिम्पिकआव बाहागो लानो मोन्नाय नडै खौ लानानै खुद्रिखदों। बबेखानि गंसे बिजिसालिया राशियाखौ ब्रे बोसोरनि थाखाय बेन खालामनायखौ खमायनानै नै बोसोर खालामनाय जादों।

## भारतनि बक्सिं गेलेगिरिफोरा वर्ल्ड कापयाव रिगयाव ओंखारालासे हादतनि थाखाय मोन 4 मेडेल देरहानायखौ रोखा खालामदों



गोदान दिल्ली, 18 डिसेम्बर: भारतनि बक्सिं गेलेगिरिफोरा रिगयाव ओंखारालासे हादतनि थाखाय मोनब्रै मेडेल देरहानायखौ रोखा खालामदों। मानोना जार्माननि कलनआव बक्सिं गेलेगिरिफोरा वर्ल्ड कापनि डू'आव हादतनि सा 4 गेलेगिरिफोरा थोंजोडे सेमि

फाइनालयाव जायगा मोनो हादों। एसियान गेम्स सेम्पियन आरो वर्ल्ड सेम्पियनसिफनि सिलभार मेडेल देरहानो हानाय अमित पांगालआ 51 कि:ग्रा: होवाफोरनि केटेगरियाव गावनि गेलेनायाव खौ सेमिफाइनलनिफ्राय जागायगोन। एरहाय

आइजोफोरनि केटेगरियाव पुजा रानिआ 75 कि:ग्रा:, मनिसाया 57 कि:ग्रा: आरो सिमरनजित कोरआ 60 कि:ग्रा: केटेगरियाव गावसिनि गेलेनायावखौ सेमि फाइनालनिफ्राय जागायगोन। साभिथानि बेलग्रेटआव खुंजागासिनो थानाय रेस्टलिं वर्ल्ड कापनि 6 सानयाव 86 कि:ग्रा: केटेगरियाव कमलायगिरि दिपक पुनियाआ राशियानि कमलायगिरिजों 0-4 पइन्टआव जेन्दांमोन। दा दिपकआ गाबोन ब्रन्ज मेडेलनि थाखाय बादायलायगोन। बेनि अनगायैबो 95 कि:ग्रा: केटेगरियाव सैयब्रतआवो जार्माननि गेलेगिरिजों 1-4 राउन्डजों जेन्दांमोन।

## बेगालुरु एफ सिआ उरिष्या एफ सिखौ फेजेन्दों



गवा, 18 डिसेम्बर: दासान्दि सोलिगासिनो थानाय 7 थि सिजन इन्डियान सुपार लीगनि मेचखौ थानाय हराव बेगालुरु एफ सि आरो उरिष्या एफ सिनि गेजेराव मोगा-मोगि बादायलायदों। बे बादायलायनायाव बेगालुरु एफ सिआ उरिष्या एफ सिखौ 2-1 गलजों फेजेन्तो हादों। बेगालुरुनि थाखाय केप्टेन सुनिल सेत्रिआ 38 मिनिटयाव गिबि गल सोनानै हान्जाखौ 1-0 गलजों

सिगांहोनो हादोंमोन। बेनि उनाव नैथि हाफनि 71 मिनिटयाव रिटभेन टेलरनि गल जोसन्नायाव उरिष्या एफ सिआ 1-1 गलजों समान खालामनो हायो। नाथाय क्लाइटन सिल्भाया 79 मिनिटयाव फिन गलसे गल सोनो हानानै बेगालुरु एफ सिखौ 2-1 गलजों देरहाहोयो। सोलिफु सिजननि आइ एस एलआव बेगालुरु एफ सिआ गावसिनि मोन 6 मेच गेलेनायाव दासिम मोन्थाम

मेचफोरखौबो देरहानो हाबाय। मोन्थाम मेच देरहानो हानायजों बेगालुरु एफ सिआ 12 पइन्ट लानानै दासान्दि पइन्ट टेबोलनि थामथि सारियाव दं। बेरफारसे उरिष्या एफ सिआ बे सिजननि आइ एस एलआव दासिम मोन 6 मेच गेलेनायाव मोनसेबो मेच देरहानो हायाखै। बेनिनो मोन 5 मेचखौ जेन्दांमोन आरो मोनसे मेचखौ डू' गेलेदों। उरिष्याआ दासिम से पइन्टजों पइन्ट टेबोलनि 10 थि सारियाव दं।

## गं आर्जिनाय बेलायाव फेडाररआ स्नाल्ड आरो मेसिखौ गाहायाव दोन्दों

गोदान दिल्ली, 18 डिसेम्बर: रिकन बिजिनेस मेगाजिन फर्ब्सआ 2020 आव बयनिखुइ बांसिन गं आर्जिनो हाग्रा मुलुगनि टप-100 सेलेब्रेटिफोरनि मोनसे लिस्ट फोसावदों। बे लिस्टयाव गेलेमु मुलुगनिफ्राय सा 5 गेलेगिरिफोरा टप-10 आव जायगा आवग्रिनो हादों। 2019 आव एटलिटसआव 5 थि सारियाव थानो हानाय टेनिसनि गेदेमा गेलेदिगिरि रजार फेडाररआ बे खेबनि गोदान फारिलाइयाव क्रिस्टियान स्नाल्ड आरो लियनेल मेसिमोनखौ गाहायाव दोन्नो हादों। सोलिफु समाव फेडाररआ मुलुगनि गेजेरवोनो बयनिखुइबो बांसिन गं आर्जिनो हाग्रा गेलेगिरि जानो हादों। फेडाररआ थानाय बोसोराव 94 कौटि गं आर्जिनो हादों। फर्ब्स लिस्टनि बायदिब्ला फेडाररनि बोसोरसेयाव गं आर्जिनाया 106 मिलियन डलार एबा 780 कौटि रंसिम जादों। बेरफारसे क्रिस्टियान स्नाल्डआ मेसिखौ गाहायाव दोन्ना नै फारिलाइनि नैथि सारियाव थानो हादों। स्नाल्डआ थानाय बोसोराव 105 मिलियन डलार एबा 772 कौटि गं आरो लियनेल मेसिआ



गोदान दिल्ली, 18 डिसेम्बर: मिरुआरि नख 'र मन्थि अमित शाह, आबाद मन्थि नरेन्द्र सिं तमर आरो फालांगि मन्थि पीयुष गयलआ आबादारिफोरनि सोमावसारनायनि सायाव सावरायनो थाखाय पार्टिनि गाहाय सेक्रेटारिफोरजों लोगोसे बिजेपिनि मावख'आव जथुमा खालामो। मख 'नो गोनांदि, दिल्ली एनसिआरआव मोन 3 गोदान आबाद आयेनखौ हेन्था होनो थाखाय आबादारिफोरा धर्ना होगासिनो दड आरो

## नखर मन्थि अमित शाहआ पार्टिनि गाहाय सेक्रेटारिफोर आरो मिरुआरि मन्थिफोरजों लोगोसे आबादारि सोमावसारनायनि सायाव सावरायदों



तमारआ आबादारिफोरनि मुडें गांसे लाइजाम लिरों। बेयाव बिथाडा आबादारिफोरनि जिं गाखौ जानगार खालामनायजों लोगोसे बेरेखा दोलोजों फिदिंजानो नाडा होन्ना नै बोसोनो होदों।

बेरा फारसे गाहाय मन्थि नरेन्द्र मदिआ नैथि खेबै 18 डिसेम्बरव मध्य प्रदेशआव जानो गोनां आबादारिफोरनि जथुमाखौ सोमोन्दो लाखिगोन। बे जथुमाखौ बिथाडा भिडिअ कम्पेन्सनि गेजेरजों सोमोन्दो लाखिगोन। बेनि सोमोन्दे मध्य प्रदेशनि गिबि मन्थि मावख' (सि एम अ) आ टवीट खालामनाय फोरमायदि, गाहाय मन्थि मदिआ सान्जौफु नि 2 रिं गायार राइज्योनि

104 मिलियन डलार एबा 765 कौटि रंल' आर्जिनो हारि। बे फारिलाइयाव ब्राजिलनि स्टार फुटबलार नेमार आरो अमेरिकानि बासकेट बल गेलेगिरि लेब्रान जेम्समोननि मुडाबो दंफायो। नेमारनि बोसोरनि आर्जिनाया 95.5 मिलियन डलार एबा 703 कौटि रं। एरहाय लेब्रानि बोसोरनि गं आर्जिनाया 88.2 मिलियन डलार एबा 649 कौटि रं।



सामलायनायाव बार्चुएल शिखर जथुमायाव बे गसिबो आयदानि सायाव गुवारे सावरायलानाय जादों। बेनि सायाव दरसैबो हादतफोर जोबथा थांखि लानायव सम नांगोन। नाथाय खनसे नसुं हादतजों गनायथि लायनायनि उनाव भारतनि थाखाय चिकेन नेकनि जिंगा सिनाया गोबां खम जागोन। दरसैबो हादतफोरनि गेजेराव मोन 7 था रादाय खानायनि सायावबो मुं सायनाय जादों। बेवहाय हाइड्रकार्बन, एग्रीकालचर, मैदेरखौ सैरेखाथि खालामनाय आरो दाखोर-दालाखौ सामलायनायाव हेफाजाब होलायनाय बायदि बिथिडाबो दंफादों। शिखर जथुमायाव भारतनिफ्राय दरसैबो हादतफोरनि सिमनाजों नांजाबनाय दरफोमबो राइज्योफोराव गंसे गंसे लेन्ड पट्टे बानायनोबो आर 'ज गानाय जादों। बेजों आसाम, त्रिपुय आरो मेघालयखौ लैथोमाजों सरजाबनाया गोलेसिन जागोन। मख 'नो गोनांदि, भारतआ गिबियावनो चट्टग्राम आरो मंगला पर्टिनि जौगाखानायनि हाबाफारि मावदों। शिखर जथुमानि उनाव फोसावनाय जुथाय बिबुंथियाव बुंदों मदि आरो शेख हासिनाआ दरसैबो हादतफोरनि कानेक्टिबिटीनि मोनफ्रोमबो बिथांखिखौ गोथौयै नायबिजिदों। हासिनाआ भारतआ थार लोगो होन्ना नै फोरमायदों आरो मदिनि आत्मानिभरं भारत अभियानखौबो बाखायदों। शिखर जथुमायाव मदिआ गावनि बिबुंथि होनायाव बुंदों भारतनि नेबारहुड फास्ट पलिसिआव बांग्लादेशआ मोनसे एंगार हायै बाहागो। गाव गिबि साननिफ्रायनो बांग्लादेशजों लोगोसे सोमोन्दोखौ गोखौ खालामनायखौ जख्खा हाबाफरि मावनाय जादों। आधिखालनि जेना गोनां समाव दरसैबो हादतफोरनि सोमोन्दोआ मोजों जादों। कसना भेक्सिननि केसयावबो दरसै हादतफोरनि गेजेरव मोजों हेफाजाबहोलायनाय जादों। मदिआ बांग्लादेशनो भेक्सिनखौ मोजौडे जगायना होनोबो खोथा होदों।